



Controversia tocante “no mas hotel” ta continua cu construccion di Nanki at Baby Beach



Galaxy A14

Pagina 3

- **Mapa ecologico nobo di vegetacion ta revela necesidad urgente di conservacion pa Aruba**

Pagina 4

- **Partido H.T.C a introduci nan prome candidatonan pa eleccion 2024**

Pagina 2

- **Aruba ta sostene e miembresia di Merca den CFATF**

Pagina 6

Miles di persona rond mundo a
marcha ayera pa aniversario di
atake di Hamas na Israel



Pagina 24

Corsou: Sesion parlamentario
riba acuerdo di refinaria posponi
atrobe



Pagina 8

Nicaragua ta bisa cu ta traha cu
Rusia pa “orden mundial nobo”



Pagina 10

Partido H.T.C a introduci nan prome candidatonan pa eleccion 2024

Den un transmision en bibo riba rednan social, partido Hubentud Treciendo Cambio (HTC), a traves di su lider Gilbert Webb a introduci dos candidato cu ta bay subi lista, y ademas a pidi ciudadanonan pa dia 21 di october pasa firma pa partido HTC por participa den eleccion.

“Mi ta bay presenta e candidato number dos riba lista di partido H.T.C, na unda cu e candidato aki ta un hoben cu ta bon prepara y ta cla pa asina representa bo den Parlamento di Aruba y tambe sin duda, firme y fuerte, mesun cos cu lo cual partido semper a bin ta parti,” Webb a sigura.

Victor Rosario a expresa cu “mi ta orguyoso pa anuncia cu mi ta #2 di e lista di H.T.C. Mi compromiso ta pa stimula un cambio significativo y pa amplifica e voznan di nos hubentud den gobierno. Huntos, nos por crea un futuro mas briyante. Mi enfoka principal ta pa mehora e bida di muchanan cu no ta tin mucho fortuna riba nos isla, pa sigura cu nan por tin e oportunidadnan cu nan merece.”

Den su opinion, Webb ta sigura cu su partido ta bay 100% pa yuda cada ciudadano riba e pida di e baranca di aki “un partido cu ta lucha te final pa loke e pueblo kier.”

Candidato number 3 riba lista ta Lino Croes, ken a sigura cu e partido aki ta trata di un grupo chikito di individual



cu kier cambia Aruba “nos a bini hunto e aña aki pa haci un cambio pa Aruba, el a bisa cu su area di specialisacion ta e departamento di Educacion y Social, nos lo haci tur cos cu nos lo bisa lo cumpli cune.” Pa loke ta trata e Plan di Partido, como prome punto ta e Parke di Atraccion na San Nicolas (Colony)– Prome fase ta cuminsa na 2025. Universe Shine Park Aruba.

Di dos punto, tur compania cu ta opera un Hotel, Airbnb of Motels, tin e oportunidad pa contribui un pago anual na Arubus pa por duna servicio di “free shuttle” na su clientenan for di e compania na e parke y parke na e compania pa tur turista, y tambe local por tambe haci uso di e “free shuttle” si tin un ticket compra. Asina lo reforma Arubus pa para back riba su pia.

Di tres punto, Habri “Crèche School Publico” CSP, cu un tarifa abou pa luna, cu por yuda mayornan cu no tin manera pa logra paga un crèche priva, of mayornan cu ta traha trabou shift. Tur mayor cu nan baby ta bay un crèche y ta desea di mantene na e crèche priva, gobierno lo asisti cu un Kinderopvangtoeslagen cu 25%. Personanan cu lo traha na e Crèche Publico aki, lo ta personanan bon prepara, educa y cu a studia pa e funcion aki.

Pa di cuatro punto, sinta na mesa cu Organizacion Internacional Club di Paris, pa yega na acuerdo pa alivia Aruba di debenan inaceptabel, reduci debe nacional, busca cooperacion mas profundo cu Hulanda pa cu e estructura di financia y cumpli

cu landspakket na un forma mas miho. Sinta na mesa cu CAFT pa logra scucha nan preocupacion y demonstra nan plan concreto pa un mehoracion mutuo pa Aruba. E 63 miyon surplus cu a ricibi for di SVB|AZV|ATA pa haci bon uso di esaki enfoca riba proyecto necesario na pais Aruba.

Di cinco punto, elimina BBO|BAZV|BAVP|BBO na frontera y Introduci un BTW general na 12.5% na 2025 y bah’e despues na 10% na 2027.

Di seis punto, reduci winstbelasting y inkomstenbelasting.

Otro puntonan cu nan ta trece dilanti den nan plan ta bureau contra abuso laboral pa enfoca riba trece tranki-

lidad y flexibilidad laboral. Haci tur comision|Incentiva un entrada vast riba payslip, ademas di legalisacion di cannabis medicinal y recreacional pa 2026.

Baha edad di pensioen na 60 aña y pone pre-pensioen na 58 aña di edad (Cu pre-pensioen ta traha 4 ora so y trabou ta paga 4ora, SVB ta paga 4ora) Aumenta placa di pensioen cu 60%.

Lo construi un Cas Social Flat na unda cu tur persona cu menos recurso por logra aplica pa un hypotheek y compra un cas na un prijs rasonabel entre 30,000.00 Florin pa 70,000.00 Florin.

Pa loke ta trata migracion, reduci gasto di otorgamento di permiso di stranhero, innova esaki cu tempo corto y aumenta e BTW pa nan na 17% den mercado laboral pa suavisar e gasto di permiso y proceso structural pero stricto. Personanan indocumenta lo haya 1 luna di dispensacion pa registra den nos sistema legalmente na Dimas y contribui na impuesto, cu un proceso stricto di permiso.

Actualisa e ley di Screening di Ministernan pa asina evita cu tin cualkier persona ta bira minister pa interes personal, entre otro puntonan.

Di su parti, tanto Rosario como Croes a señala cu nan ta bin campanando duro “pa husticia, empoderamento, sostenibilidad, oportunidad y solidaridad. Hunto nos lo forma un futuro cu ta refleha nos balornan y aspiracionnan mutuo.”



Controversia tocante “no mas hotel” ta continua cu construccion di Nanki at Baby Beach

Na aña 2022, especificamente den luna di april, a bira conoci e noticia cu na ex-tereno di Nanki Country Club, entre area di Baby Beach y Rodgers Beach, ta bay cuminsa e construccion di asina e yama ‘Nanki at Baby Beach’, cual ta bay bira un condo-hotel boutique.


Segun informacion cu ex-presidente di San Nicolas Business Association, Andres Hernandez, a duna e tempo ey, “e inversionista nobo a firma pa un proyecto cu ta bay bira un hoy a pa nos y esaki ta bay ta un hotel boutique bunita cu lo wordo traha den pro di naturalesa y cu un toke di Aruba su cultura y su tradicion cu lo trece un prosperidad grandisimo pariba di brug”, el a sigura.

Tambe, Alberto Perret cu ta representa The Perret Group, encarga cu e proyecto aki, a splica na april 2022 cu nan tabata buscando oportunidadnan di inversion na San Nicolas for di 2015.

Segun informacion di Nanki at Baby Beach riba su rednan social, esaki ta un proyecto cu ta bay conta cu 40 condo exclusivo di luho ubica na Rodgers Beach, “cual ta representa un oportunidad di inversion,” y ta bay ta un lugar sostenible cu landscape, solar panel y water treatment di ultimo generacion integra den disenonan elegante,” segun e anuncio di benta ta indica.

Pa loke ta trata prijs, un apartament condo di 90 meter cuadra di un camber y un baño, tin un costo di aproximadamente 431.000 dollar manera un compania di real state ta indica riba su website.

Sinembargo, un publicacion di periodista retira Hilario Donker, ken ta reporta tur loke tin di haci cu San Nicolas, dos dia pasa a publica riba su rednan social lo siguiente: “Na Seroe Colorado den e area unda a cuminsa traha riba ehecucion di e proyecto ‘Nanki na Baby Beach’, dia 4 di october 2024 a pone posternan promocional riba e hekwerk cu ta rondona e area. E proposito di e posternan aki ta pa pone e atencion di potencial cumpradonan di condominio, cu tin cambernan na benta den e proyecto aki. Segun e inversionista di e proyecto aki, Alberto Perret,



ya caba a vende 14/40 (35%) di e cambernan. Mas leu Alberto Perret a informa cu pa e proyecto aki a scoge pa e concepto Condo-Hotel. Un Condo-Hotel ta un hotel cu tur e amenidadnan y servicio di un hotel pero en bes di ta propiedad di un doño unico, ta propiedad den e caso aki pa 40 doño. Albert Perret a sigui bisa, cu ta dirigi riba hendenan cu gusta aire liber, disfruta di e cultura y e tranquilidad di e area. Di otro banda

e doñonan tin limitacion di uso, cu ta 180 dia pa aña. Esaki ta permiti pa tin inventario disponibel pa otro turistanan por bin disfruta di e area di Seroe Colorado y San Nicolas, den liña cu e vision di Gobierno di Aruba. Na e momentonan aki e area di ex area di Pais Nanki ta wordo limpia. Unabes cu esey ta cla lo tuma lugar ground breaking, sigui pa e ehecucion di e construccion.”

Esaki a bira un noticia cu pa algun hende no a cay den bon tera. Por ehemplo, esnan den comunidad cu no ta di acuerdo cu e continuacion di construccion di hotel di Aruba, cu ta sigura cu esaki ta afectando hendenan local, specialmente medio ambiente, harmonia social y integridad cultural. Ademá cu mayoria di e condo aki, nan prijsnan ta excesivamente halto pa un persona local por yega adkiri un di nan.

Esaki ta algo cu hasta Aruba Birdlife Conservation a trece dilanti, caminda a entrega un carta na prome minister demisionario, Evelyn Wever-Croes (MEP), señalando cu “danki na varios estudio haci pa loke ta crecimiento di turismo den e ultimo decanan, ta mas cu claro pa bastante tempo caba cu e actual modelo di crecimiento continuo y no controla den turismo, y e expansion relaciona cu esey di acomodacion y desaroyo di hotel no ta sostenibel, ni a corto, ni mediano ni a largo

plaso. E resultado di e modelo (obsoleto) di crecimiento pa turismo aki ta destrui e patrimonio hopi special – medio ambiente natural, harmonia social y integridad cultural – cu ta haci Aruba unico. Ademá ta reconoci caba cu e trayecto aki di crecimiento turistico continuo ta conduci na un reduccion di e calidad di bida di e habitantenan di e isla y p’esey finalmente ta haci daño na e experiencia di e bishitante cu ta elemento central den nos industria turistico.”

E organizacion ambiental aki na comienso di aña a publica cifranan di industria turistico na Aruba, e capacidad y plannan, cu un poblacion di 108.000 persona y number total di 26.295 camber di hotel (registra y no registra) pa cada unidad di camber Aruba ta spera 4 habitante, si ta tuma e superficie di Aruba di 178 km2, esey ta nifica cu tin 148 unidad pa cada km2, nan ta interesa di haya sa “ki tipo di studio di capacidad di carga ta rekeri pa conclui cu te ainda tin mas lugar pa hotelnan? y na base di kico?” esey tabata un di nan cuestionamento.

Ademá, Nigel Maduro ken ta un persona conoci caba pa comunidad pa su lucha pa medio ambiente, a señala cu “Alberto Perret ta gentrificando San Nicolas. Un cantidad di hende rico (no-local) ta bay bin San Nicolas y compra propiedad y condominio, djis pa huur na otro hende rico (tambe no-local).”

Kico kiermen gentrificacion? Un proceso mediante e cual districtonan popular ta wordo transforma profundamente pa yegada di habitantenan perteneciente na clase halto. Un termino cu a aparece pa prome biaha na 1963 door di un studio cu Ruth Glass, un sociologo a haci over e ciudad di Londres cu tabata considera como “abnormal.”

Di otro banda, desaroyadonan di ‘Nanki at Baby Beach’ a publica riba nan website con e hotel su diseño lo ta loke tambe a causa controversia pa algun ciudadano mirando e ubicacion y loke lo ser construi cu segun ta “ugly design.”

Algun potret ta cortesía di Hilario Donker su FB page y di rednan social.



Mapa ecologico nobo di vegetacion ta revela necesidadnan urgente di conservacion pa Aruba


Un team di experto di fundacion CARMABO y Universidad di Wageningen recientemente a finalisa e mapa ecologico di panorama di vegetacion di Aruba. Cu meta pa reforsa esfuersonan di conservacion, e investigacion aki ta ofrece un bista detaya riba con e panorama natural di Aruba a evoluciona durante ultimo 50 aña, y ki stapnan ta necesario pa preserva su biodiversidad.

Esaki a keda revela den un publicacion di DCNA riba nan website.

Estudio

E estudio ta ofrece un ex-aminacion comprensivo di e vegetacion di Aruba, basa riba mas cu 300 parcela di muestra colecta entre añanan 1996 y 2000. E mapa nobo aki ta un herment esencial pa conservacion di biodiversidad den futuro, resaltando degradacion significativa den vegetacion di e isla pa motibo di urbanisacion, turismo, especienan invasivo y cambio climatico.

E hallazgonan aki ta actualisa e mapa seminal di 1956 crea pa Stoffers, incorporando metodonan moderno, pa provee datonan cuantitativo pa prome biaha, cu ta bay permiti miho planeamento pa uso di tereno y manejo ecologico bayendo dilanti.



Hallazgo

E investigacion a revela hallazgonan alarmante: perdida significativa di vegetacion y degradacion pa motibo di actividad humano, particularmente urbanisacion y turismo, cu e banda occidental di e isla esun mas afecta. E hallazgonan a resalta un perdida preocupante di tiponan critico di vegetacion, incluyendo e casi-desaparicion di e “Evergreen woodland” y e “Herbaceous strand community.” E areanan aki, antes vital pa biodiversidad di Aruba, a keda impacta severamente pa actividad humano y especienan invasivo, cu deterioro significativo den especienan manera e thorny woodland cu antes a deriva di e evergreen woodland. Ademá, e problema continuo di baca, cabrito y otro animal cu ta core rond, erosion, y intrusion di awa salo empeora pa cambio climatico, ta menasa mas ainda e resiliencia eco-

logico di Aruba.

Recomendacion clave

E estudio ta haci seis recomendacion clave pa Aruba atende cu e problema alarmante aki. Pa di prome, e eliminacion inmediato di animalnan di cria cu ta move libremente den areanan natural. Di dos, e propagamento y plantamento back di especienan nativo inusual. Di tres, control estricto di especienan invasivo di mata a traves di un plan di accion. Di cuatro, desaroyo di ‘green corridor’ pa conecta areanan di vegetacion isola. Di cinco, pa protege elementonan di tereno sobreviviente den areanan urbano y industrial. Y finalmente, e implementacion di medianan practico infraestructural pa yuda infiltracion di awa di yobida den groundwater.

Contexto regional

Pa Caribe Hulandes den sentido mas amplio, e estudio



aki ta un punto di referencia crucial. E vegetacion unico di Aruba ta un componente clave di e bioma seco di Caribe, cu ta extende na islanan bisña manera Bonaire y Corsou. E salud di e ecosistemanan aki ta critico pa biodiversidad regional, ya cu nan ta sostene especienan unico na e islanan ABC.

E caso di Aruba ta resalta e necesidad urgente pa implementacion di strategianan di conservacion na e region, manera eliminacion di bestianan di cria cu no ta nativo, e propagamento di especienan den peligro, y e creacion di gangnan ecologico pa promove conectividad di habitat.

E estudio aki a keda comisiona pa DCNA y ta bay alimenta e programa cu ta bay lansa pronto, Conservacion y Restauracion di Habitat Clave. E programa nobo aki ta bay traha pa trece hunto

estudionan manera esaki, pa implementa esfuersonan di conservacion y restauracion cu impacto na e seis isla di Caribe Hulandes. E medianan aki ta bay ta esencial pa construi resiliencia contra cambio di clima y sigura e sobrevivencia a largo plaso di e biodiversidad di e region.

E Aliansa di Naturalesa di Caribe Hulandes (DCNA) pa su siglanan na Ingles, ta sostene comunicacion (cientifico) y outreach den region di Caribe Hulandes door di haci informacion científico relaciona cu naturalesa disponible mas ampliamente a traves di entre otro e Base di Dato di Biodiversidad di Caribe Hulandes, e plataforma di noticia di DCNA BioNews, y a traves di prensa. E articulo aki ta contene e resultado di varios proyecto científico, pero e proyectonan mes no ta proyecto di DCNA.

Urbanisacion y rock stacking: kico nan tin en comun?

E rapport di DCNA ta destaca cierto actividad humano cu ta contribuyendo na e destruccion di e ecosistemanan local. Sinembargo, algun di esakinan ya a keda denuncia pa gruponan ambientalista den pasado, sin cu ta mira mucho accion di autoridadnan pa trece conscientisacion y un cambio.

Rock stacking

Rock stacking ta un problema cu cada rato ta keda bin dilanti entre nos comunidad local. Esaki ta ora hende, principalmente turista, ta traha un toren di piedra na cierto areanan di e isla. Maske e actividad di pone piedra riba otro ta uno ancestral, cu cientificonan especulando cu tabata haci esaki pa marca sitionan importante manera santana,



of tambe pa marca rutan pa cana den selva sin perde, e actividad aki a bira popular den ultimo decanan entre turistanan cu ta crea un rock stack pa pidi un deseo.

Fin di juni ultimo, Aruba Birdlife Conservation a bati alarma pa e fenomeno di

“rock stacking” cu a yega e area di Baby Beach, y alabes a adverti tocante e peligro cu esaki por tin, specialmente pa mucha.

Efecto di rock stacking riba naturalesa ta perhudicial, ya cu e piedranan ta forma parti di habitat natural di especien-

an di bestianan chikito cu ta biba den naturalesa di Aruba. Algun experto ta bisa cu “rock stacking” por hasta hiba cierto especie pa extincion.

Na Aruba, hopi di e “rock stacking” ta pasa tambe cerca di Parke Nacional Arikok. Aunke e practica di e actividad aki no ta ilegal na Aruba, talbes ta tempo pa autoridadnan di parke pone reglanan estricto pa cu e actividad aki.

E publicacion di Aruba Birdlife Conservation no solamente ta bati alarma pa e actividad, pero aworaki cu e fenomeno aki a yega Baby Beach, algun di e torennan di piedra ta yega 1.7 meter di altura, cual por ta hopi peligroso, specialmente pa muchanan. Urbanisacion

Otro di e retonan mas grandi cu naturalesa di Aruba ta enfrente ta urbanisacion, den e forma di “sobre-desaroyo.” Esaki ta vincula tambe na e industria turistico di Aruba, y igualmente a ricibi atencion di ambientalistanan den pasado. Urbanisacion taifica cu ta construi y crea ambientenan artificial humano riba areanan cu antes tabata natural. Esaki ta necesario pa economia y industria, pero por ta fatal pa un ecosistema fragil manera esun di Aruba.

Protestanan social manera esun di activista Nigel Maduro, kende a bira famoso cu e slogan “No More Hotels,” ta destaca e necesidad pa stop construccion desproporcional cu no ta laga espacio pa naturalesa por sobrevivi.

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueero (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirks

Colaboracion

Associated Press
Ret Karibense
Data Key

Afiliacion

Sociedad Interamericana
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.

Michella Steenvoorde-Laclé di Plan di Mayor Aruba

**“Mayornan cu ta bay separa of divorcia tin e obligacion
pa traha un plan di mayor”**

Diasabra ultimo, Corte di Husticia di Aruba a habri su portanan cu un opendag pa comunidad caminda diferente organisacion y fundacion tabata presente pa duna informacion, den e caso aki, Michella Steenvoorde-Laclé presidente di Comision di Plan di Mayor Aruba a splica cu nan a haya hopi bishita ya cu nan ta traha den liñanan estrecho cu Corte.

Ora mayornan ta bibando un divorcio, nan no ta yega na otro of no tin un plan di mayor cla, e ora un hues ta referi nan na Plan di Mayor unda por medio di griffier nan ta haya un e-mail y asina nan ta tuma contacto cu e mayornan pa nan inscribi oficialmente cerca nan y e ora ey e proceso cuminsa.

Steenvoorde-Laclé a sigura cu for di algun tempo nan tabata bin luchando pa bin cu e ley di Plan di Mayor e cual a drenta na vigor for 1 maart 2024. E ley aki ta encera cu mayornan cu tin mucha menor di edad y ta bay separa of divorcia tin e obligacion, pa ley, pa traha un plan di mayor.

Den e plan aki, nan ta bay divulga precies con nan ta bay reparti e responsabilidadnan pa cu e yiunan, den esaki, tin e tema di alimentacion, gezag overblijf, pero tambe por ta trata cu un di e mayornan tin un pareha nobo y no por deal cu esey of con por comunica cu otro, na unda e mucha ta bay despues di busk’e for di scol, tur e detayenan ey te cu vakantie.

“Pero tin biaha e mayornan ta den un conflicto, anto door di e conflicto nan no ta yega na comunica cu otro pa traha un plan di mayor, dus na MFA Santa Cruz ta ofrece un family mediation cu ta un proyecto di seis siman of un cu ta yama Ouderschap Blijft y esey ta dura maximo nueve luna,” Steenvoorde-Laclé a señala.

Den e trayecto aki, nan ta papia cu e mayornan y duna nan ehercicionan, traha cu nan pa reestablece nan comunicacion pa



nan por funciona na un nivel di parent rol, “lagando afo nan rol di pareha, pasobra esey no ta existi mas, pero semper bo ta keda mayor.”

Durante e proceso aki, nan ta ofrece nan pa specialistanan papia cu e mucha pa motibo cu den e ley ta stipula cu e mayornan mester bisa e hues con nan a involucra nan yiunan den e diseño di e plan di mayor, esaki ta skirbi den e Internationale Verdragen van het Kind, articulo 12 cu e mucha tin derecho di wordo scucha.

Nan tin un documento cu ta yama Plan di Mucha of Plan di Hoben y den futuro tambe lo tin Plan di Kleuter, segun el a sigura, den esaki nan ta papia cu e muchanan riba nan nivel, ta splica nan loke ta nan derechonan, unda por ehemplo den articulo 3 ta bisa cu adulto mester tuma decision cu ta lo miho pa e yiu, of articulo 10 unda ta indica cu si un di e mayor ta biba na otro luga, e yiu tin cu bishita tur mayor y bay cerca nan of articulo 9 cu ta bisa cu e yiu tin derecho di tin contacto regular cu ambos mayor.

Di e forma aki, nan ta siña e muchanan e articulonnan cu tin di haber cu proceso di separacion y nan ta traha e plan di mucha unda. E muchanan lo splica con nan ta sinti nan mes, na unda nan kier biba, con nan kier bay di mami pa papi, “e ta depende di e mucha su deseonan, ora e mucha ta traha su plan, e ta firme y nos ta present’e na e mayornan,” Steenvoorde-Laclé a informa.

Di e forma aki, e mayornan por tuma na cuenta e deseonan di nan yiu ora ta haci e plan di mayor. Un bes cu e dos documento aki ta cla, nan ta ser entrega na Corte di Husticia y nan ta haya nan balor ehecutorial e ora ey.

Esaki ta algo cu ya caba a cuminsa y for di maart cu nan a habri na MFA Santa

Cruz nan ta conoce 84 caso cu nan ta intermedia.

“Tin casonan ta hopi [difícil], unda cu nan ta dura mas cu otro, tin biaha tin di haber cu nan no ta bon informa, bo ta haya mayor cu mester di mas guia. E ora ey nan mester bin na 6 sesion y preguntanan di separacion of divorcio mas intensivo unda mayornan mester tuma nan tempo pa papia, comunica y splica pakico nan ta rabia cu otro, kico ta e rabia y purba pone nan separa di kico ta e problema di pareha y kico ta e problema di mayor, pa tema di mayor nan tin cu deal cu otro back, problema di pareha bo tin cu deal cu bo mes y no involucra e muchanan den esaki,” Steenvoorde-Laclé a bisa.

Ademas, el a informa cu siman pasa Plan di Mayor tabatin e oportunidad di duna un presentacion na mayornan di alumnonan di Pius x School, nan a duna informacion tocante e servicionan di Plan di Mayor Aruba y tambe a splica detayadamente tocante e programa di KIES (Kinderen in een Scheiding). Actualmente Pius X School tin 2 Kies Coaches y ta den proceso pa cuminsa cu e programa di KIES e cual ta un programa unda e muchanan ta siña mancha nan mesun proceso door di comparti nan mesun experiencia, pensamiento y emocion cu Kies Coaches y otro muchanan.





Durante e Reunion Ministerial di CFATF

Aruba ta sostene e miembresia di Merca den CFATF

Durante e di 16 Reunion Ministerial di CFATF na Miami, e mandatarionan presente a trata e peticion di Merca pa traha mas di cerca cu e paisnan cu ta miembro di e Caribbean Action Task Force (CFATF), cu e meta pa contraresta labamento di placa y financiamiento di terrorismo den e region di Caribe.

Di parti di Aruba, Minister di Finanzas a expresa su sosten pa e miembresia di Merca den CFATF. Segun un comunicado di gobierno, den su intervencion, e mandatario a trece dilanti cu ta di aprecia cu Merca lo kier traha na un nivel mas profundo cu Caribe.

Ya caba Merca a bin ta demostra su interes den e region Caribeense door di su participacion activo como observador di CFATF. Ta

importante pa remarca cu Merca ta hunga un rol crucial como un socio strategico pa e region Caribeense. E lasonan economico, di seguridad y diplomatico entre Merca y e region Caribeense ta uno fuerte, y ta trece cune crecemento y estabilidad mutuo.

Di mes manera, Caribe ta un aliado importante, ofreciendo proximidad geografico y colaboracion den area clave manera comercio, regulacion financiero y desaroyo sostenibel, cu lo por wordo intensifica y reenfora. Pa e motibonan aki, Merca como un socio mutuo den CFATF ta recomendabel y Aruba ta sostene e miembresia di Merca den CFATF.

Por informa cu e miembresia di Merca di CFATF a wordo acepta pa e mayoria presente.

Minister Geoffrey Wever a reuni cu Camara di Comercio pa discuti ultimo desaroyonan pa comercio



Weekend ultimo, Minister demisionario di Asunto Economico, Geoffrey Wever (RAIZ) a tene un reunion rutinario cu hunta di supervision di Camara di Comercio. Hunto cu Sr. Diederik Kemmerling, Sr. Robert Croes y Sr. Martijn Balkenstein a discuti diferente puntonan di importancia y ultimo desaroyonan cu ta toca comercio na Aruba.

"Ta importante pa mantene e esfuersonan co-

laborativo y segura cu comercio ta keda ricibi oido", segun Minister Geoffrey Wever. Aunke Gabinete Wever-Croes II ta demisionario, trabounan ta continua, y ta importante pa sigui discuti con nos por sigui mehora e clima empresarial den e tempo nos dilanti.

Minister Geoffrey Wever ta gradici e board pa nan esfuerso continuo pa advoca riba e temanan importante pa comercio na Aruba.

Aruba a destaca compromiso pa industria crucero durante di Seatrade Cruise Med 2024

Cu presencia di Aruba Tourism Authority (A.T.A.) y Aruba Ports Authority (APA)



Aruba Tourism Authority (A.T.A.) y Aruba Ports Authority (APA) orguyosamente a participa durante luna di september den Seatrade Cruise Med 2024 na Málaga, España. Aruba hunto cu otro destinacionnan Caribeense a uni cu un stand cu a sobresali y atrae hopi interes durante feria 'Caribbean Village'. Estableciendo un presencia fuerte y subrayando tur locual e industria crucero tin pa ofrece den e region.

Seatrade Cruise Med, un evento cu ta tuma lugar cada pasa un año, ta un conferencia y feria di comercio principal. Unda cu ta reuni miles di socionan internacional importante diferente linea crucero, waf, destinacion, y proveedor di servicio di e industria global di crucero. E edicion di e año aki na Málaga a presenta un programa extenso di conferencia, exhibicion y tayer. A enfoca riba topiconan clave di e industria, di entre otro, sostenibilidad, innovacion y tecnologia, y mehoracion di experiencia di e huesped.



Seatrade Cruise Med a wordo organisa mesun temporada cu a celebra 'Cruise Days Málaga', amplificando mas ainda e importancia di e evento y resaltando e rol di e ciudad como un hub di crucero principal den e area Mediteraneo.

Cu continuidad di participacion na Seatrade Cruise Med, Aruba ta keda forma parti di un plataforma prestigioso cu ta fortalece e relacion den e industria crucero. Un evento cu ta brinda espacio pa reuni cu lineanan di crucero y socionan clave den e industria, cu enfoca riba colaboracion y futuro oportunidadnan pa Aruba na bira un destinacion di crucero lider den e Caribe.

Aruba tabata bon representa pa Monica Bos Cruise Manager di A.T.A., Marc Figaroa CEO di APA, y Mario Arends, Commercial Manager di APA. Cu un esfuerso colaborativo a enfatisa e compromiso di Aruba pa fortalece relacion y conexcion cu socionan global di crucero den e industria.



Hulanda: Dokternan ta haci yamado riba gobierno pa haci mas contra obesidad infantil

(NLTimes)—Gobierno no ta haciendo suficiente pa combati sobrepeso y obesidad den muchanan, segun organisacionnan di salud y dokternan a keha. Nan ta kere cu ta demasiado facil pa hobennan obtene cuminda no saludable y p'esey ta haciendo yamado pa accion.

Den un carta urgente, dokter- y organisacionnan ta bisa cu fast food ta birando mas disponible cera di scolnan. E signatarionan a bisa cu nan ta mira e consecuencia di esaki tur dia: “Den casonan mas extremo, nan ta mira adolescentenan cu ta peso 140 kilo, cu a coy cama caba y no ta



mira un futuro pa nan mes.”

Organisacionnan di salud ta keha cu e gobierno actual ta recortando fondo riba e prevencion di obesidad y su consecucionan di salud. P'esey, nan ta haciendo yamado pa

cuminda saludable bira mas barata y pa promove prohibicion riba cuminda no saludable dirigi pa muchanan. Nan tambe ta haciendo yamado pa supermercado- y otro tiendanan ofrece cuminda mas saludable y pa fab-

ricante di cuminda produci cuminda mas saludable.

E apelacion conhunto diahuebs ta bin for di e Diabetes Fund, Heart Foundation, Stichting Maag Lever Darm y e Kidney Foundation, y for di dokternan na hospitalnan manera Maastricht UMC+, Jeroen Bosch Hospital, Erasmus MC y Leiden University Medical Center.

No ta sorprendente cu muchanan na Hulanda ta experimentando dificultad mas frecuente cu nan peso, mirando cu mita di e poblacion Hulandes ta sobrepeso, manera Maastricht UMC+ ta reporta. Aproximada-

mente 53 porciento di hende homber y 47 porciento di hende muhe na Hulanda ta considera sobrepeso. Aproximadamente 7 den 100 hende Hulandes (14 porciento) ta hasta obeso.

“Un estilo di bida no saludable ta hunga un rol importante den e problema aki,” segun biologo humano Dr. Gijs Goossens di Maastricht UMC+, ken ta investiga e metabolismo y tejido di vet den hende cu ta sobrepeso y obeso. E cantidad di hende sobrepeso y obeso ta aumentando, y e proceso aki ta un menasa serio na e salud di e poblacion Hulandes, awo y den futuro, segun e hospital.

Congo ta cuminsa cu vacunacion di mpox den esfuerzo pa frena brote



(AP)—Autoridadnan Congoles a cuminsa cu vacunacion contra mpox diasabra, casi dos luna despues cu e Organizacion di Salud Mundial a declara e brote cu a plama for di Congo pa otro paisnan den Africa como un emergencia global.

E 265,000 dosis dona pa e Union Europeo y Merca na Congo a mira nan prome suministracion den e ciudad oriental di Goma den e provincia North Kivu, unda trahadornan di salud y hospitalnan ta experimentando un surplus den pashent, luchando pa contene e variante nobo y posiblemente mas contagioso

di mpox.

Congo, cu aproximadamente 30,000 caso sospechoso di mpox y 859 morto, ta conta pa mas cu 80 porciento di tur caso y 99 porciento di tur morto den Africa e aña aki. Tur 26 provincia di e nacion a registra caso di mpox.

Aunke mayoria infeccion y morto di mpox registra na Congo ta presenta entre muchanan bao di edad di 15 aña, ta suministrando e dosis solamente pa adultonan y lo ser suministra pronto na poblacionnan na riesgo y trahadornan di salud, segun minister di Salud Roger Kamba a bisa e siman aki. “Servicionan

di salud ta implementando strategia pa asina vacuna tur empleado,” segun Muboyayi ChikayaI, e chief of staff di e minister.

Ta anticipa cu al menos 3 milyon dosis aproba pa mucha lo yega for di Hapon den e proximo dianan, Kamba a bisa. Mpox, conoci tambe como monkeypox, tin basta aña ta plama sin ser detecta den Africa prome cu e malesa a causa un brote global na 2022 cu a mira paisnan rico responde rapidamente cu vacuna for di na deposito mientras cu Africa a ricibi solamente un par dosis a pesar di e apelacionnan di su gobiernonon.



Sinembargo, no manera e brote global na 2022 cu a enfoca mas tanto riba hombernan homo- y bisexual, mpox na Africa awo ta plamando via transmision sexual tambe como contacto entre muchanan, hendenan muhe y otro gruponan vulnerable, manera Dr. Dimie Ogoina, presidente di e comite di emergencia pa mpox di OMS, a conta reporteronan recientemente.

A registra mas cu 34,000 caso sospechoso y 866 morto di e virus den 16 pais den Africa e aña aki. Esey ta un aumento di 200 porciento compara cu e mesun periodo aña pasa, e Centro Africano di Control y Prevencion di Malesa a bisa. Pero acceso pa vacuna ta keda un reto.

E continente di 1.4 biyon hende a sigura solamente compromisonan pa 5.9 milyon dosis di vacuna contra mpox, anticipa pa ta dis-

ponible for di october te cu december, segun Dr. Jean Kaseya, hefe di e CDC Africa, a conta reporteronan siman pasa. Congo ta keda un prioridad, el a bisa.

Na Goma, Dr. Jean Bruno Ngenze, representante di OMS den e provincia, a adverti cu North Kivu ta den riesgo di un brote grandi debi na e “promiscuidad observa den e camponan” pa hende desplasa, un di e crisis humanitario mas grandi causa pa violencia arma cu a surgi eyan.

E noticia di e programa di vacunacion a trece alivio entre hopi hende na Congo, specialmente den hospitalnan cu ta pasando dificil pa maneha e brote. “Si tur hende ser vacuna, e lo ta mas miho ainda pa stop e plamamento di e malesa,” Dr. Musole Mulambamunva Robert a bisa, ken ta director medico di Kavumu Hospital, un di e centronan di tratamiento di mpox na Congo.

Inciertumbre ta rondona extension di protocol di calor pa scolnan na Corsou

(CuracaoChronicle)—Actualmente no tin claridad pa loke ta trata e extension di e protocol di calor pa scolnan na Corsou. Diabierna a marca e ultimo dia di scol prome cu oktobervakantie, pero no ta claro si e cronogram corto lo continua despues

di vakantie.

Minister di Educacion, Ciencia, Cultura y Deporte, Sithree "Cey" van Heydoorn, ta spera pa por provee mas claridad durante e temporada di vakantie.

Anteriormente, van Heydoorn a implementa medi-

danan pa combati e calor, permitiendone studiantenan pa bisti un version modifica di nan uniform di scol. Ademas, scolnan pa educacion fundamental ta cerando nan porta 12or di merdia, y e cronogram pa scolnan secundario a ser recorta pa acomoda e temperaturanan halto.



Hulanda: Mas hoben ta kita for di scol sin cualificacion basico

(NLTimes)—Un cantidad creciente di hobennan na Hulanda no ta siguiendo cu nan educacion y no a alcanza e nivelnan cu gobierno ta mira como "cualificacionnan basico". Cifranan di e Centraal Bureau van de Statistiek (CBS) ta muestra cu e cantidad di hobennan na cual esaki ta aplica a aumenta pa 50,000 den e ultimo tres añanan, cual ta un aumento di casi 40 por ciento.

E gobierno tin e meta pa hobennan alcanza al menos e nivelnan di HAVO, VWO of un educacion vocational secundario, conoci tambe como nibel MBO-2. Cualkier hende cu un nivel di educacion mas abao cu esaki tin menos chens pa haya un



trabao bon y stabiel.

Sin embargo, e cifranan for di e oficina di estadistico tambe ta muestra cu e mayoria di e hobennan aki te cu edad di 27 aña tin trabao, aunke e ta mas frecuente cu no un contracto flexible compara cu hobennan cu tin e cualificacionnan basico.

Aproximadamente 54,000

di e grupo cu no ta bay scol y cu no tin cualificacionnan basico no ta emplea. Segun e cifranan di CBS, aproximadamente un den tres di esnan ta buscando pa trabao. Mayoria di e hobennan aki no ta disponible pa trabao; nan ta ineligible. "Enfermedad of discapacidad tabata e motibo mas frecuente cita pa cu esa-

ki," e agencia di estadistico a splica.

CBS no tabatin splicacion pa e aumento, bisando cu mes- ter mas investigacion riba esaki. Hefe di sociologia Tanja Traag a menciona varios factor cu a contribui na e aumento aki. El a bisa cu hopi estudio ta muestra "un porcion significante di hobennan cu a pasa duro mentalmente" durante e pandemia di coronavirus y despues. Problemanan psicologico ta frecuentemente un motibo pa kita for di un curso educacional. Na 2022, aproximadamente un kwart di studiantenan cu a kita for di scol a menciona esaki como motibo.

Sin embargo, un aumento den kitamento for di scol prematuramente tabata evidente

caba den e añanan prome cu e pandemia di coronavirus. E trend aki a frena durante e añanan di pandemia pasobra examennan central a ser cancela, cual a resulta cu hopi hoben a cuminsa un curso di MBO.

Traag a bisa cu ta posible cu algun di e hobennan "no a logra of a yega na e conclusion cu nan a tuma e decision incorrecto."

E grupo di hobennan cu actualmente no ta siguiendo cu nan educacion pero si a alcanza e nivel minimo tambe a aumenta. Durante e ultimo tres aña, 72,000 hoben entre edad di 15 y 27 a ser agrega na e categoria aki, treciendo e total na casi 700,00 hende.

Corsou: Sesion parlamentario riba acuerdo di refinaria posponi atrobe debi na enfermedad di prome minister

(CuracaoChronicle)—Pa e segunda siman consecutivo, e ora di cuestionamento den parlamento relaciona na e status di e acuerdo entre Refineria di Kòrsou (RdK) y e compania di azeta Venezolano PdVSA a ser posponi.

Planea inicialmente pa diahuebs, dia 26 di september, a posponi e debate pa dia 3 di october y awo a ser replanea atrobe pa mañan dia 8 di october.

E posponemento a ser anuncia net prome cu e sesion mester a cuminsa. Diahuebs siman pasa, miembronan di parlamento a ser informa cu prome minister Gilmar Pisas, ken mester a lidera e sesion, tabata malo. Segun fuentenan di parlamento, Pisas no por a participa debi na problema cu su salud.

E ora di cuestionamento a ser pidi pa Quincy Girigorie, e lider di partido PAR, despues



di e declaracionnan cu Pisas a haci recien. E prome minister a declara anteriormente cu e acuerdo cu PdVSA, cual nun-

ca a ser evalua formalmente pa parlamento, no tabata riba mesa mas. E anuncio aki a causa preocupacion, como cu

e trato tin consecucionnan significante pa e refinaria y economia di Corsou.

Girigorie a enfatisa e urgencia di e asunto den su apelacion, notando cu e incertumbre rondonando e acuerdo di RdK ta causando preocupacion. E ta haciendo yamado pa haya claridad riba e impacto di e trato cu a cay den otro, su consecucionnan financiero pa e pais, y e caso andante contra PdVSA.

Tin tiki reportahe di residentenan di Corsou den Medio Oriente

(CuracaoChronicle)—Desde diahuebs siman pasa, solamente un residente di Corsou a registra cu e Directie Buitenlandse Betrekkingen, indicando cu nan actualmente den Israel of Libanon. E informacion aki a ser reporta pa e directorado. E ta sospecha cu tin mas individ-

ual Curasoleño den e dos paisnan aki.

Debi na e menasa di guerra, e gobierno ta urgiendo tur residente Curasoleño na Israel y Libanon pa registra lo mas pronto posible na e embahadanan di Reino na Tel Aviv y Beirut y pa sali for di e paisnan aki lo mas pronto

posible.

Directie Buitenlandse Betrekkingen Curacao (DBB) ta bisa cu actualmente e no tin visibilidad den e proceso di registracion cu e ministerio di Asunto Exterior Hulandes.



Hulanda: Di dos vuelo di repatriacion for di Libanon ta aterisa na Eindhoven

(NLTimes) – E di dos vuelo di repatriacion Hulandes for di Libanon a aterisa na Base Aereo Eindhoven pa alrededor di 8:50om riba diasabra. Segun Ministerio di Asunto Exterior, tabatin 170 persona abordo di e avion.

Entre e pasaheronan tabatin mas cu cien persona cu a registra cu ministerio di

Asunto Exterior. Ta trata aki di ciudadano Hulandes, hende cu permiso di residencia valido pa Hulanda, of hende cu ta partner of yiu di un ciudadano Hulandes. E otro pasaheronan a ser transporta back riba solicitud di Belgica, Francia, Austria y Spaña. Nan a keda ricibi pa personal di e embahada di nan propio pais, cu ta yuda nan biaha back cas.

Tambe tabatin 35 Belga abordo di e avion, incluyendo dos periodista Belga cu a keda herida na Libanon anteriormente den e siman. Periodista di VTM, Robin Ramaekers y camarografo Stijn de Smet a keda ataca pa un grupo di homber rabia na Beirut. A tira De Smet dos biaha riba su pia. A bati Ramaekers y el a sufri fractura na su cara.

No tin informacion riba e cantidad di pasahero di otro pais.

Mas cu 350 persona a keda transporta na Hulanda cu e dos vuelo di repatriacion. Cualquier persona cu ainda kier bandona Libanon por registra cerca e ministerio. “Hulanda ta continua haci esfuerso pa yuda Hulandesnan sali, por ehemplo, cu areolinanan comercial of vuelonan di repatriacion di paisnan partner,” segun Ministerio di



Asunto Exterior.

A pesar di e situacion di menasa, tambe tin Hulandesnan cu a dicidi pa keda na Libanon. “Ta varia di persona pa persona, pero mi por imagina cu no tur hende kier bandona nan hogar (...) y laga nan mascota atras, por ehemplo.

Pasobra nan no mag di biaha cu bo,” segun embahador Frank Mollen di Libanon a bisa NOS Radio 1 Journaal diabierna.

Den dianoan recien, alrededor di 500 persona a registra cu e ministerio pa un vuelo di repatriacion.

Hulanda: Premier Schoof ta yama presidente Irani y ta condena atake contra Israel



(NLTimes) – Prome minister Hulandes, Dick Schoof a yama presidente Irani, Masoud Pezeshkian diadomingo, y den e combersacion ey, a condena e atakenan cu misil di Iran y su aliadonan contra Israel, segun e prome minister a anuncia riba X. Schoof tambe a urgi Pezeshkian pa stop Iran di provee arma na Rusia.

“Mester resolve e conflicto aki a traves di diplomacia. Pa logra esaki, Iran tambe ta bay tin cu tumu stap. Mi tambe a urgi Iran pa stop e sosten material pa e guerra di agresion Ruso contra Ucrania,” e prome minister Hulandes a skirbi riba X.

Schoof ta hopi preocupa tocante e continuo escalacion di violencia den Medio Oriente, y tambe a informa Pezeshkian di esaki. “Tur partido involucra mester kibra e ciclo di vengansa y violencia lo mas pronto posible.”

Segun e prome minister, mester haya un solucion diplomatico pa e conflicto lo mas pronto posible. “Itan ta bay tin cu tumu stapnan pa esaki.”

Manera ta custumber den combersacionnan cu lidernan stranhero, Schoof no a menciona cu Pezeshkian a responde. E presidente di Iran ta lider di gobierno, pero no ta e lider supremo di e pais. Esey ta e Ayatollah Ali Khamenei.



De Minister van Transport, Integriteit, Natuur en Ouderenzaken is voornemens in het openbaar aan te besteden:

Het project: “Onderhoud monument Zoutmanstraat 1”
Volgens bestek: MB-P01-1.026, d.j. 2024.

Korte omschrijving van het werk:

“Onderhoud monumentale gebouw voor Directie Ouderenzaken, gelegen te Zoutmanstraat 1”

Uitvoeringstermijn: 160 werkbare werkdagen na datum van aanvang.

Het bestek is vanaf 7 oktober 2024 verkrijgbaar bij het Monumenten tegen betaling van Afl. 300,00.

De betaling contant te voldoen bij het Monumentenbureau (MB).

De openbare bescheiden liggen ter inzage vanaf 7 oktober 2024 te Monumentenbureau bij het Secretariaat van de Directie.

Inlichtingen worden verstrekt op 16 oktober 2024 om 10.00 vm. te Monumentenbureau.

De Nota van Inlichtingen wordt vastgesteld op 24 oktober 2024 en is vanaf die dag verkrijgbaar bij het Monumentenbureau.

De openbare aanbesteding vindt plaats op 15 november 2024 om 11.00 v.m. op het kantoor van de Directeur van het Monumentenbureau.

De L.O.A. L.B. 1996 nr. 58 is op deze aanbesteding van toepassing.

De directievoering is in handen van Het Monumentenbureau.

De gestanddoeningstermijn is 90 dagen.

De inschrijver moet bij zijn inschrijving de volgende vereisten overleggen:

1. Bewijs van inschrijving in het register van de Kamer van Koophandel;
2. Bereidheidsverklaring tot het instellen van een bankgarantie;
3. De staat van eenheidsprijzen voor verrekening van meer- en minderwerken;
4. Een lijst van in te schakelen onderaannemers;
5. Specificatie inschrijvingsom;
6. Bouw tijdschema.;

Inschrijving dient te geschieden op het bij het bestek gevoegde en gewaarmerkte inschrijvingsformulier.

Brazil: Polis ta investiga un candidato pa alcalde pa falsificacion di documento



(Infobae) – Polis Federal di Brazil a anuncia cu ta bay investiga e candidato di derecha extremo, Pablo Marçal, faborito pa alcaldia di São Paulo, pa e supuesto crimen di “falsificacion di documento.”

E decision ta bin despues cu Marçal a publica riba su rednan social un supuesto informe medico falso cu a acusa su rival, e socialista Guilherme Boulos, di ta un usuario di cocaina.

Andrei Rodrigues, director di Polis Federal, a declara cu e institucion “lo actua cu tur

rigor y responsabilidad” den e investigacion di e caso aki, cu a sacudi e preparacion pa e eleccion municipal.

Husticia electoral ya a ordena pa kita e documento inmediatamente for di internet y a blokea e perfilnan di Marçal, cu ya a ser suspendi anteriormente pa publica contenido similar.

E polemica ta bini na un momento crucial pa e campaña, ya cu Marçal ta empata den urnanan cu Boulos y e alcalde actual, Ricardo Nunes, tur cu mas o menos 20% di intencion di votacion.

Marçal, ken a posiciona su mes como un disidente di Bolsonarismo, a basa su ascenso den politica riba provocacionnan y campananan di desinformacion.

E falsificacion di e documento a ser confirma pa e yiu muhe di e dokter kende su firma ta aparece riba e report medico.

Aline Garcia Souza a sigura cu e firma no ta pertenece na su tata, José Roberto de Souza, ken a fayece na 2022 y a anuncia cu e lo demanda Marçal.

Di su banda, Boulos a califica e publicacion di Marçal como un “mentira revela” y a sigura cu, despues di e eleccion di ayera, e lo entrega un denuncia penal contra e candidato.

Ex-Presidente Jair Bolsonaro mes a comenta riba e incidente y a señala cu Marçal “lo tin cu prueba” e veracidad di e documento of enfrente consecucionan legal.

Sao Paulo cu 9.3 miyon votado, ta e colegio electoral mas grandi di Brasil, cu ayera diadomingo mester a eligi e alcalden y conseheronan nobo di 5.569 ciudad di e pais den un eleccion marca pa po-



larizacion y polemica.

Considera e preludio di e eleccion presidencial di 2026, e evento lo midi e forsan di isquierda y derecha na Brasil representa respectivamente den presidente Luiz Inácio Lula da Silva y su predecesor di extrema derecha Jair Bolsonaro.

Alrededor di 156 miyon votado ta ser yama pa vota na momento cu Brasil ta bibando record cu candelanan y un segura historico, relaciona cu cambio di clima, segun expertonan. Sinembargo, e

ambiente tabata ausente di e debatenan.

Na Sao Paulo, e duelo spera entre e alcalde saliente Ricardo Nunes, un aliado di Bolsonaro, y Guilherme Boulos, apoya pa Lula, a bira un pelea di tres banda cu e surgimento di Pablo Marçal.

E tres aki tabata tecnicamente empata den intencion di voto den e prome buelta aki: 29% pa Boulos y 26% pa Nunes y Marçal, segun un encuesta di diasabra di e instituto Datafolha.

Nicaragua ta bisa cu ta traha cu Rusia pa “orden mundial nobo”

(DW) – Minister di Asuntonan Exterior di Nicaragua, Valdrack Jaentschke a bisa diasabra ultimo cu Gobierno di Daniel Ortega ta traha “man den man” cu Rusia “pa e surgimento di un orden mundial multipolar nobo.”

Durante un acto den cual a otorga e orden di José de Marcoleta, den e Grado di Gran Cruz, na e embahador Ruso na Nicaragua, Alexander Khokhólikov, Jaentschke a destaca cu Moscu y Managua tin “casi 80 aña di a establece relacionnan diplomatico” y cu a fortalece durante e prome Gobierno Sandinista (1979-1990).

“Nicaragua semper tabatin e apoyo y solidaridad di Union Sovietico”, lidera pa Rusia, e minister di Asuntonan Exterior Nicaragüense a recorda, segun e medio oficial di Managua.

Den marco di e Guerra Friu,



Nicaragua a experencia un guerra civil den añanan 1980 entre e “contra” -financia pa Merca- cu a bringa for di seronan contra e Sandinistanan, aliadonan di e defunto Union Sovietico y Cuba, cu a laga miles di morto.

“E relacion historico aki entre pueblonan y paisnan ruman

a profundisa na nivelnan di partnership strategico, bou di liderazgo di presidente Vladimir Putin y nos comandante Daniel Ortega Saavedra, ken cu un vision cla di e retonan cu mundo ta enfrente awendia, ta traha hunto, man den man pa e surgimento di un orden mundial multipolar nobo, mas husto, mas sos-

tenibel, den pas, siguridad y bienestar,” Jaentschke a bisa.

E minister di Asuntonan Exterior di Nicaragua a splica cu “ta den e contexto historico aki cu awe nos ta condecora” e embahador Ruso “ora a conclui su mision diplomatico exitoso, pa su contribucion valioso den fortalece

relacionnan di hermandad, solidaridad y cooperacion entre Rusia y Nicaragua.”

Di su banda, Khokhólikov a enfatisa cu gobiernonan di Rusia y Nicaragua “ta comparti e mesun balornan y ta bringa hunto pa e derecho di tur pueblo riba desaroyo di ciudadano progresivo y pacifico, basa riba respet mutuo, di acuerdo cu ley internacional y un garantia solido di seguridad y bienestar pa un y tur.”

E ceremonia a conta cu presencia di Lauréano Ortega Murillo, yiu di presidente Ortega y e vice-presidente, Rosario Murillo, ken ta ocupa e puesto di consehero presidencial pa Inversion, Comercio y Cooperacion Internacional, y representante special di e presidente di Nicaragua pa asuntonan cu Rusia.

Barbados: Grupo di mayor ta existi respuesta nacional pa crisis di violencia na scol

(BarbadosToday) – Grupo di Mayor Preocupa di Barbados a haci un yamado pa accion urgente di lidernan nacional pa combati e aumento recién di violencia na scol.

E organisacion a existi pa sea minister di Educacion of Prome Minister atende publicamente e asunto y delinea un strategia comprensivo pa combati e crisis den aumento.

Paula-Anne Moore, vocero di e grupo, a enfatisa e necesidad pa intervencion na nivel halto: “Ora a yega, tin asina hopi di e incidentenan aki cu nos mester tende for di e minister of prome minister especificamente relaciona cu e incidentenan aki di violencia den scol. Mi ta kere esey lo bay hopi leu pa duna un sorto di siguransa na pueblo di Barbados cu nan ta reconoce cu tin problema relaciona cu violencia dentro di scol, y kico ta e strategia cu tin na



lugar.”

Desde inicio di e aña academico, Barbados a mira un serie di incidente violento na scol, incluyendo atake di estudiante contra estudiante y un supuesto atake di un mayor contra un docente. Moore a nota cu e sucesonan aki ta sintomatico di problemanan social mas amplio, incluyendo un aumento di violencia cu arma di candela na e isla.

E grupo ta boga pa un strategia nacional multifacetico, incluyendo reforsa medidanan di seguridad na scol manera detector di metal y personal adicional di seguridad, mehoracion di servicionan di sosten pa salud mental, y aumento di colaboracion comunitario pa atende e causanan raiz di violencia. Moore a insisti riba e importancia di involucra hende

jong den busca solucion. “Mi ta kere na hopi nivel diferente, sea lidernan comunitario, lidernan religioso, sea ta e scol cu tin programa via Asociacion di Mayor-nan y Docente, of di otro manera, nos mester papia cu e muchanan, talbes haya sa for di nan kico ta nan problema, kico nan ta pensa como tambe involucra e muchanan den solucion. Esey por ta un strategia cu nos mester incorpora.”

Expresando preocupacion pa e situacion actual, Moore a bisa: “Cualquier persona cu ta pensa corecto na Barbados mester ta indigna y francamente spanta pa e incidentenan aki. Pero nos mester obtene un declaracion di autoridadnan pa duna nos un sentido di e magnitud di e problema y kico ta e medidanan di emergencia cu ta instalando pa duna sociedad, e muchanan, e maestronan, henter e personal na scol al-

gun nivel di confort cu ora nan bin scol, nan por enfoca riba e trabao di siña y no mes-ter ta preocupa pa seguridad fisico den scol.”

E grupo ta sostiene propues-tanan di sindicatonan di maestro pa institucionnan separa pa alumnonan problematico como un ultimo recurso. Sinembargo, Moore a adverti cu mester implementa medi-danan asina sensitivamente pa evita stigmatisacion y sig-ura cu ta provee recursonan necesario.

“Mester saca algun di e muchanan aki for di ambiente di scol y pone nan den un ambiente specifico cu profesionalnan experto cu por duna nan guia, e maneho di comportamiento, mientras ta atende nan necesidadnan academico y vocacional tambe,” el a splica, agregando cu e maneho aki por preveni cu e comportamiento ta bira “ire-dimible.”

Haiti: Mas di 6mil persona ta bandona nan hogar despues cu atake di gang ta mata decenas

(AP) — Casi 6,300 persona a huy di nan cas despues di un atake den centro di Haiti na man di miembronan di gang arma, cu a mata al menos 70 persona, segun agencia di migracion di ONU.

Casi 90 por ciento di esnan desplazado ta kedando cu familiar den famianan anfitri-on, mientras 12 por ciento a haya refugio den otro sition-an incluyendo un scol, segun Organizacion Internacional pa Migracion, IOM a bisa den un rapport siman pasa.

E atake na Pont-Sonde a sucede den oranan trempa di diahuebs mainta, y hopi a huy den anochi.

Miembronan di gang “a bin ta tira y kibra drenta cas pa horta y kima. Apenas mi tabatin tempo pa gara mi yiunan y core den scuridad,” segun Sonise Mirano, 60, a bisa diadomingo, kende tabata campando cu centenares di hende na un parke den e ciudad cercano di Saint-Marc.

Curpanan a keda benta riba cayanan di Pont-Sonde despues di atake den region Artibonite, mayoria di nan mata cu un tiro na cabes,



segun Bertide Harace, vocero di Comision pa Dialogo, Reconciliacion y Conscienti-sacion pa Rescata Artibonite, a bisa stacion di radio Magik 9 diabierna.

Calculacionnan inicial ta pone e cantidad di morto na 20 persona, pero activista y oficialnan di gobierno a descubri mas curpa mientras nan a haya acceso na areanan di e pueblo. Entre e victimanan tin un mama jong, su baby recién naci y un partera, Herace a bisa.

Prome minister Garry Conille a priminti cu e respon-

sablenan lo enfrenta full e forza di ley den comentarion-an na Saint-Marc diabierna.

Oficina di Comisionado di ONU pa Derechonan Humano a bisa den un declaracion cu tabata “hororisa pa e atakenan di gang diahuebs.”

Union Europeo tambe a condena e violencia den un declaracion diabierna, cual a bisa a marca “otro escalacion mas den e violencia extremo cu e gruponan criminal aki ta infligiendo riba pueblo Haitiano.”

Gobierno Haitiano a desplega

un unidad elite di polis basa na e capital di Port-au-Prince pa Pont-Sonde despues di e atake y a manda suministro medico pa yuda e unico hospital di e area, cu ta abruma. Polis ta bay keda den e area tanten cu ta necesario pa garantiza seguridad, segun Conille, kende a agrega cu e no tabata sa si e lo dura un dia of un luna. E tambe a apela na e poblacion, bisando cu “polis no por hacie su so.”

Violencia di gang na Artibonite, cu ta produci hopi di e cuminda pa Haiti, a aumenta den añanan recién. Desde e aumento ey, e atake diahuebs

ta un di e masacrenan mas grandi. Atakenan similar a tuma lugar den e capital Port-au-Prince, di cual 80 por ciento ta controla pa gang, y tipicamente ta vincula na guerra pa territorio, cu miembronan di gang atacando civilnan den areanan controla pa rivalnan. Hopi barrio no ta safe, y hende afecta pa e violencia no por a bolbe nan cas, hasta si nan cas no ta destrui.

Mas cu 700mil persona – di cual mas cu mita ta mucha – awo ta desplaza internamente na Haiti, segun IOM a bisa den un declaracion dia 2 di october. Esey ta un aumento di 22 por ciento desde juni.

Port-au-Prince tin un cuarta parti di e desplasadonan na e pais, cu hopi biaha ta keda na sitionan sobrepobla, cu tiki of ningun acceso na servicionan basico, segun e agencia. Esnan forsa pa huy di nan cas ta keda mas tanto cerca fami-anan, cu a reporta dificultadnan significante incluyendo falta di cuminda, facilidadnan di cuido di salud abruma, y falta di suministro esencial na mercadonan local, segun e agencia.

‘El Taiger’ ta luchando pa su bida despues di ricibi tiro den cabes

(TMZ) - Jose ‘El taiger’ Carbajal ta luchando pa su bida den hospital na Miami, dianan despues cu e artista di Reggaeton a ser haya cu tiro den su cabes, patras di Mercedes-Benz den e barío di Allapattah.

Hefe di polis di Miami Manuel A. Morales a duna un actualisacion diabierna, contando media cu e homber di 37 años ta aindá ta “den condicion sumamente crítico” despues

di a ricibi operacion y nan investigacion ta andando riba e crimen brutal.

Autoridadnan ta sospecha cu Jose a ricibi e tiro otro caminda y despues a ser hiba e localidad unda a hay’e y laga ey, cual no ta hopi leu di Jackson Memorial Health Hospital.

Ademas di e escena di crimen yen di sanger paden di e auto, polis a haya tambe 2 container di gas cora den e baul sin

aplicacion segun autoridadnan.

Miami-Dade County su recordnan di corte, cual a ser cita pa noticia local, e musico tabatin 2 caso criminal cu a habri durante zomer, un pa robo arma fuerte y agresion y otro pa resisti un oficial.

Jose a declara su mes inocente den ambos caso y tabata den libertad bao fianza.



Fanaticonan di rumannan conoci como ‘Menendez Brothers’ ta busca autografo den e famoso carchi di NBA

(TMZ) - Erik y Lyle Menendez ta experenciando fama nobo den prizon danki na e serie di Netflix popular tocante e asesinato di nan mayornan y tin un peticion poco comun cu ta keda surgi den e post di fanaticonan cu a cuminsa yega segun TMZ.

Un fuente cu conocimiento na Richard J. Donovan Correctional Facility na San Diego a conta TMZ cu e rumannan famoso a mira un “aumento grandi” den post cu nan ta haya di fanaticonan, (y claramente algun menos fanatico) danki na e interes grandi den Netflix su “Monsters: The Lyle and Erik Menendez Story.”

Posiblemente, e articulo mas interesante cu e rumannan ta ricibiendo carchinan di



1990-91 Hoops Mark Jackson, e rumannan a sali den e potret riba e carchi sinta den e audiencia despues cu nan a comete e asesinato pero prome cu nan a keda deteni y e fanaticonan kiernan firma.

E rumannan, kende a pasa

hopi ana encarcela y separa prome cu nan a ser reuni den 2018 na prizon di San Diego, recientemente a ricibi bishita di Kim Kardashian entre otro nombrenan di perfil halto, como parti di su lucha pa reforma den prizon. Desde e tempo aki, Kim ta boga pa e



libertad di e rumannan.

Anteriormente TMZ a reporta cu e rumannan un biha mas ta den noticia despues cu LA County su abogado di distrito George Gascon a anuncia cu fiscalnan ta evaluando evidencia nobo y e lo

dicidi si e rumannan merece un huicio nobo of si e fiscalnan mester pidi un sentencia nobo, cual por laga nan den libertad.

Aparentemente, nan storia te aindá no a caba.

Keanu Reeves ta haci su debut den racing profesional riba Indianapolis Motor Speedway

(AP)—Strea di Hollywood Keanu Reeves a haci su debut den racing profesional diasabra den un evento den cual e strea di “The Matrix” a core riba e pista famoso di Indianapolis Motor Speedway.

Reeves a perde control un rato riba yerbe sin accidenta riba e salida di Turn 9 un tiki mas cu mita caminda durante e careda di 45 minuut. El a drenta atrobe y a sigui core, señalando cu e no tabata herida.

Reeves ken a cualifica na di 31 luga di e 35 participante en total, a core alcanza lo mas halto riba e di 21 luga y a pre-



veni un accidente durante e prome ronda riba salida di Turn 14. Reeves a caba na di 25 luga e careda ey.

Reeves, ken tin 60 años di

edad, ta competiendo na Indianapolis den e Toyota GR Cup, un serie spec-racing di Toyota y un serie sostenedor pa e evento di auto deportivo Indy 8 Hour. El a core su se-

gundo careda ayera.

Reeves ta coriendo e auto No. 92 BRZRKR, cual ta promoviendo su novela “Thee Book of Elsewhere.” E ta compañero di Cody Jones for di “Dude Perfect.”

Reeves tin experiencia den racing for di su pasado como un ex-participante den e Toyoto Grand Prix di Long Beach den e careda di celebradnan. Reeves a gana e evento na 2009. E ta planea pa asisti na e screening di 30 aniversario di “Speed” mañan na Los Angeles, hunto cu su colega den e pelicula, Sandra Bullock.



Famia Italiano ta kere cu pintura descubri den sero di sushi na 1960 ta un piesa di Picasso y ta busca pa autenticacion



(AP)—Un famia Italiano ta spera pa prueba definitivamente cu un pintura descarta for di un villa riba e isla di Capri mas cu 60 aña pasa ta un Picasso, y ta colectando data científico pa persuadi e administracion di Picasso su bienes na Paris pa tuma e decision definitivo.

E canvas di un figura femenino a ser descubri den un sero di sushi cu un dealer di sushi ser contrata pa descarta den e añanan di 1960, y e tabata colga den e sala di e famia pa despues y despues nan restaurant na Pompei, pa varios aña prome cu nan yiu homber a dicidi pa investiga.

“Mi mama a yam’e mahos,” e yiu, Andrea Lo Russo, a bisa diahuebs siman pasa. “Aki

nos ta custuma di pinturanan di paisahe cu lama.”

Lo Russo a bisa cu su prome pista cu e pintura lo ta un piesa importante a bin ora el a mira Picasso den un buki na scol, pero no a logra persuadi ni su docente ni su tata. Su curiosidad a persisti, y den su 20 añanan, e y su ruman homber a core bay Paris y a trece e pintura na e Museo di Picasso.

“Nan a mir’e y nan a bisa cu no ta posible,” Lo Russo a recorda. El a bisa cu el a nega nan invitacion pa laga e pintura pa mas examinacion pasobra e no kier a deshaci di dje.

Durante e añanan, Lo Russo a bisa cu su intento pa verifica e pintura a exposicion’e

na estafadornan cu a gañ’e pa placa, y a hasta pon’e bao investigacion pa sospecho di traficacion di arte falso—cual a ser descarta ora el a produci documento mustando cu e tabata purbando di verifica e origen di e pintura.

Despues di varios decada purbando di determina e procedencia di e pintura, Lo Russo ta kere cu un serie di test conduci pa e Arcadia Foundation lo porfin ofrece prueba su esaki ta un piesa di Picasso.

Nan a inclui testnan di laboratorio cu ta muestra cu e pinturanan tabata consistente cu e palet di color cu Picasso a usa den e periodo ey, segun Luca Marcante, kimico entrenado cu a funda e Arcadia Foundation na 2000 pa investiga e



procedencia di pinturanan. Mas recien, un experto di escritura na man a autentica e firma riba e skina como esun di Picasso, Marcante a bisa.

E unico entidad cu por autentica e pintura ta e Picasso Administration na Paris. E no a responde na un serie di pregunta durante añanan. Marcante a bisa cu e ta preparando pa comparti e descubrimentonan mas recien cu nan. “Bo mester comprende, nan ta haya decenas di pregunta tur dia for di hende priva keriendo cu nan tin un Picasso,” Marcante a bisa. Marcante a pone e balor di e pintura na 6 miyin euro, pero a bisa cu si e ser autentica completamente, e balor lo subi pa 10-12 miyon euro. Despues di varios aña ta colgando casualmente den e hogar di e famia Lo Russo, awo e ta den un boveda na Milan.

Marcante a bisa cu e pintura ta hopi similar na e pintura di 1949 atribui na Picasso yama “Tete du femme,” cual ta inclui den e Picasso Project di e Sam Houston State University na Texas. Marcante a bisa cu tin un prueba fotografico di Picasso bishitando e ruinan di Pompeii na 1917, y ta afirma cu e probablemente a bishita e region di Capri, unda e por a laga e pintura den e villa den e añanan 1940.

Marcante ta convenci cu e pintura descubri no ta falso, pa via di e diferencianan entre e dos pintura, incluyendo diferente blafon, y un detaye di e asiento.

E pintura “Tete du femme” ta parce di ta e amante di Picasso Dora Maar, mirando e cabey y wowo scur, segun Enrique

Mallen, erudita di Picasso cu ta encarga di e proyecto online. E tin duda riba e teoria cu Picasso lo a crea dos pintura asina similar.

“Di loke mi sa studiando Picasso pa 30 aña, e nunca lo haci un copia identico di su mesun pisanan,” Mallen a conta AP. “A cit’e bisando, ‘Bo por copia cualkier hende menos bo mes’”.

E unico pista di “Tete du femme” tabata den un buki di 1967, unda e ta poni como parti di un coleccion priva na Turin. Esaki nunca a aparece den otro referencia, Mallen a bisa. Mallen a subraya cu su database online, cual ta cifra mas cu 41,000 entrada di Picasso, ta asamblea imagennan di pintura, escultura, dibuho y otro pisanan atribui na e artista, pero no ta verifica nan autenticacion—algo cu solamente e Picasso Administration por haci.

Marcante a yama “Tete du femme” un “pintura fantasma, pasobra ningun hende a yega di mir’e.”

E unico di berdad ta di nos, cu nos a examina den un manera científico. Nos ta convenci di nos trabao, y di e resultadonan cu ciencia a duna nos,” Marcante a bisa. “Nos por touch e pintura aki cu nos man. E ta di berdad, e ta autentico.”

Si e pintura cu Andrea su tata a descubri ser confirma como un Picasso, Lo Russo a bisa cu e famia ta purbando ainda pa dicidi si nan bend’e, confundi di cuestionamento desde cu e noticia di e pintura a surgi siman pasa. “Nos ta confundi nos mes,” el a bisa.



Coco Gauff ta gana wega final di China Open den setnan consecutivo

(AP)—Coco Gauff a gana su segunda titulo e temporada aki cu un victoria 6-1, 6-3 contra Karolina Muchova den e final di China Open ayera.

Na edad di 21, e hungado riba di seis luna den ranking mundial a bira e campeon mas jong di China Open den 14 aña. E tambe ta e segunda campeon Mericano na Beijing, despues cu Serena Williams a gana e na 2004 y 2013.

“Honestamente, e ta bale hopi pa mi ora mi a mira cu e ultimo hende muhe Mericano pa gana e competencia aki tabata Serena Williams,” Gauff a bisa. “Cualquier biaha nan menciona mi number den cualquier frase cu tin su number den dje, e ta un honor grandi.” Esaki ta e di ocho titulo victorioso di Gauff. El a mehora su record den e finalnan di tour




pa 8-1 y awo tin un record di 7-0 den e finalnan di veldnan duro, un logro cu nunca a ser logra den e Open Era.

“Esey ta basta zuiver,” Gauff a bisa. “Mi ta un otro persona kibr’e. Mi ta kere recordnan t’ey pa kibra, honestamente.” Gauff, ken a defende su titulo di Auckland na comienso di temporada, no a perde tempo

y a tuma e set di apertura den solamente 31 minuut. El a cay cu solamente cinco punto riba su prome serve, a hinca 24 punto ganador y a kibra Muchova cinco biaha.

E victoria di Gauff na Beijing a mehora su chens pa cualifica pa e finalnan di WTA cu ta inclui e top ocho hungadonan pa e tercer aña



consecutivo. Cu su titulo, e lo surpasa Jessica Pegula pa tuma e di cinco luga prome

cu e final di torneo di WTA 1000 e temporada aki, e Wuhan Open cuminsando awe.

E veld chikito di futbol di SV Brazil Juniors ta completamente ilumina atrobe

Minister Endy Croes a bishita e veld di SV Brazil Junior pa mira e avancen di e proyecto di luz. Manera ta conoci, e luznan di e veld chikito di futbol di Brazil Junior tabata completamente deteriora y pa basta tempo e no tabata funciona.

E directiva a pidi asistencia pa esaki. Di biaha Minister Endy Croes a coordina pa brinda asistencia y a aloca fondo

necesario pa e luznan di e veld chikito. Diahuebs ultimo, a cende e luznan nobo y ultramoderno. Directiva y e deportistanan a keda masha contento cu e luznan nobo. Awo nan por train bek te den ora laat di anochi. Sr. Eugene Faro a expresa palabra di elogio y gratitud pa Minister Endy Croes. “Nos pasion ta deporte. Nos a priminti y nos a cumpli”, e mandatario di deporte a finalisa.



Real Madrid ta extende e contract di Carvajal despues cu test ta muestra lesion di rudia

(AP)—Real Madrid a extende e contracto di Dani Carvajal ayera despues cu testnan a muestra cu e lo probablemente keda sinta pa e resto di temporada cu un herida serio na su rudia.

Madrid a bisa cu el a bay den acuerdo cu Carvajal pa extende su contract te cu juni 2026 den un anuncio haci algun ora despues cu e hungador a ser diagnostica cu un ligamento cruzado anterior ruptura, un rotura di e ligamento colateral externo y rotura di tendon popliteo na su

dia drechi.

Madrid a bisa cu Carvajal lo haya un operacion den e proximo dianan. E hungador den defensa a herida su mes den e stoppage time di e segunda mita di e wega victorioso di Madrid contra Villarreal den e Liga Spaño di asabra. El a bay suela cu dolor despues di scop e pia di un oponente. E internacional Spaño tabata yorando ora a carg’e for di e veld.

Carvajal, 32, a uni e escuadron hubenil di Madrid na edad di 10 aña na 2022. El a

bira un miembro di e ekipo principal na 2013 y a gana 26 titulo cu Madrid, incluyendo seis titulo di Champions League.

Madrid mester a traha cu varios herida di ligamento di rudia e ultimo temporada, cu keeper Thibaut Courtois y defensa Éder Militão y David Alaba sinta riba banki pa periodonan extendi. Tambe ayera, Madrid a bisa cu delantero Vinícius Júnior a haya un herida cervical den e wega contra Villarreal. E no a duna un periodo di su recuperacion.



Juventus no ta parce entusiasma pa acepta Paul Pogba back despues cu a reduci prohibicion di doping

(AP)—Ta parce cu Juventus no ta entusiasma pa duna bon bini back na Paul Pogba. Pogba a logra haya su prohibicion di cuatro aña pa doping reduci pa 18 luna diabierna despues di apela na e Court of Arbitration for Sport, cual ta nifica cu e ganador di Copa Mundial Frances lo ta liber pa resume su carera na maart 2025.



Pogba, ken a test positivo pa testosterone na augustus aña pasa, a bisa cu “e no por

warda pa bay back riba veld.” Pero su club, Juventus, aparentemente no ta sinti mescos.

“Nos ta wardando pa e documentonan di sentencia, e ora nos lo tuma nos decision,” segun director deportivo Cris-

tiano Guintoli a bisa prome cu e wega di Serie A contra Cagliari diasabra. “E tabata un bon hungador pero e no a hunga pa basta tempo.”

E comentarionan di Guintoli a echo esnan di entrenador Thiago Motta den su conferencia di prensa diabierna prome cu wega. “E club lo dicidi ki pa haci tocante Pogba,” Motta a bisa. “Pa mi, e tabata un bon hungador, e no a hunga pa hopi tempo. Awo mi ta enfoca solamente riba e wega di mañan, tur otro cos no ta importa mi masha e

momento aki.”

Pogba, 31, tabata e futbolista mas caro den historia ora el a uni cu Manchester United despues di Juventus pa un prijs di 105 miyon euro na 2016. El a participa den e wega victorioso di Francia den e Copa Mundial na 2018 y a regresa Juventus como un agente liber na 2022. Pero heridan cu el a haya a limit’e pa solamente ocho aparencia den Serie A den su segunda participacion na e club prome cu el a haya su sentencia di prohibicion.

Luis Suárez ta critica entrenador di Uruguay Bielsa pa maltrata ekipo na Copa America

(AP)—Delantero pensionado Luis Suárez a critica entrenador di Uruguay Marcelo Bielsa pa e manera cu el a trata hungadornan durante Copa Americano, bisando cu e “tension” ta haci dolor.



Uruguay a caba na tercer luga den e torneo na juli na Merca pero Suárez a bisa cu e no a bay bon tras di cortina. “Tabatin situacionnan na Copa America cu a haci mi dolor, pero mi no a bisa nada pa e bien di coexistencia,” Suárez a conta DSports TV. “Hopi hungador a tene un reunion pa puntra e entrenador pa al-

menos bisa bon dia na nan, pero e no a ni cuminda.” E relacion entre Bielsa y e

hungadornan tabata asina malo cu algun ta considerando sali for di e ekipo nacional,

Suárez a bisa. El a retira for di su carera internacional di 17 aña un luna pasa como e delantero lider di Uruguay.

“Bo por mira cu e hungadornan ta bay cu e ekipo y no ta disfrutando,” el a bisa. “Den nan ekiponan di club nan ta disfruta, pero no cu e ekipo nacional. Ta duel mi pa mira kico ta pasando.”

Bielsa, ken a entrena Argentina y Chile, a ser contrata pa Uruguay na mei 2023 te cu e fin di Copa Mundial 2026. E tin Uruguay na tercer den Sur Americano cualificando pa e Copa Mundial, y ta preparan-

do pa cualificacionnan contra Peru diabierna binidero y Ecuador cuatro diñ despues.

Suárez a puntra e apoyadornan di Uruguay “pa no culpa e hungadornan si algo no bay bon.” A pesar di e exito di e ekipo, Suárez a bisa cu e atmosfera cultiva pa Bielsa no ta bon, hasta na nan facilidad di entrenamiento. “Na e Celeste Complex, empleadonan no mag drenta y saluda y come cu nos,” el a bisa. “Nan mester ta cuidadoso hasta na porta ora nan mester drenta.”

Mets y Yankees ta gana playoffs riba mesun dia pa prome biaha den 24 aña

(AP)—Pa prome biaha den 24 aña diasabra, e New York Mets y New York Yankees ambos a gana un wega di playoff riba e mesun dia.



Brandon Nimmo y e Mets a logra un otro comeback retrasa, hincando cinco biaha den e di ocho inning na Philadelphia pa gana nan rival Phillies 6-2 den e wega di apertura di nan National League Division Series.

Aproximadamente 2.5 ora despues. E Yankees a caba cu un victoria 6-5 contra Kansas City Royal na the Bronx tras di un clutch hit y un catch acrobatico for di left fielder Alex Verdugo den Wega 1 di nan American League Division Series. Tur e cinco biaha anterior cu

e Mets y Yankees a gana weganen post temporada a cay riba e mesun dia na 1999 y 2000. Esun mas recien tabata riba dia 11 di october 2000, ora e Yankees a igualisa e AL Championship Series cu un victoria 7-1 contra e Seattle Mariners den Wega 2, y e Mets a gana Cardinala 6-2 na

St. Louis den cinco wega pa nan tercer campeonato consecutivo y di cuatro den cinco aña.

Esey tabata e prome Subway Series na New York City desde 1956, ora Don Larsen a picha un wega perfecto pa yuda Yankees derota e Brook-



lyn Dodgers.

E wild-card Mets y campeón di AL East Yankees tin e dos payrollnan mas grandi di baseball e temporada aki, na mas cu 300 miyon dollar pa cada un. Ambos ekipo a alcanza e “best-of-five” Division Series pa prome biaha

desde 2006, ora Yankees a perde contra Detroit den un ALDS y e Mets a avansa pa e NLCS prome cu perde Game 7 na cas contra St. Louis.

E ultimo temporada, ambos ekipo di New York a perde e playoffs pa prome biaha den nueve aña.

Creador di ChatGPT ta recauda 6.6 biyon dollar den financiamiento

(AP) - OpenAI a bisa di-
aranson cu el a recauda
6.6 biyon dollar den inver-
sion di capital di riesgo
como parti di un cambio
mas amplio di e creador di
ChatGPT, alehando di su
raiznan sin fines de lucro.

Lidera pa firma Thrive Capi-
tal, e ronda di financiamiento
a ricibi sosten di gigantenan di
tecnologia Microsoft, Nvidia
y SoftBank, segun un fuente
familiar cu e financiamiento
cu no tabatin autorizasion pa
papia tocante esaki publica-
mente.

E inversion ta representa un
di e rondanan di recaudacion
di fondo mas grandi den his-
toria di Merca y ta posiciona
su mes como esun mas grandi
den e ultimo 17 aña cu no ta
inclui placa biniendo for di
un solo compania rico, segun
PitchBook, cual ta monitor
e inversionnan di capital di
riesgo.

Microsoft a mehora OpenAI
aña pasa cu un inversion di 10
biyon dollar a cambio di un
parti mas grandi den e compa-
nia su crecemento den futuro,
cual ta similar na un strategia



cu gigante di tabaco Altria
Group a haci den 2018 ora el
a inverti 12.8 biyon dollar den
e compania di vaping Juul.

OpenAI a bisa cu e financia-
miento nobo lo “permiti nos
mehora nos liderazgo den e
investigacion di AI, aumenta
e capacidad di nos computer
y sigui crea hermentnan cu lo
yuda soluciona problemanan
difícil.” E compania a bisa cu e

financiamiento ta duna e compa-
nia un balor den mercado di
157 biyon dollar y lo “acelera
e proceso di nos mision.”

E fluho di placa ta bini mien-
tras OpenAI ta buscando
manera di completamente
converti su mes den un cor-
poracion pa genera ganashi pa
cual shareholders ta responsa-
bel.

Mientras cu OpenAI, basa na
San Francisco ya caba tin un
division pa genera ganash cu
ta creciente, unda mayoria di
su empleadonan ta traha, e ta
controla pa un directiva di di-
rector cu ta opera sin fines di
lucro, kendenan su mision ta
di yuda humanidad pa medio
di crea formanen futuristico di
inteligencia artificial cu por
haci tareanan miho cu ser hu-
mano na un manera safe.

Esaki ta pone cierto limite na
con hopi ganashi e por gen-
era y con hopi e shareholders
ta ricibi a cambio di nan in-
version den e poder di com-
puter, chip di AI specialisa y
cientificonan di computer cu
e ta tuma pa genera herment
di AI. Sinembargo e estructura
di gobernacion lo cambia si
e directiva sigui cu e plan di
converti su mes den un cor-
poracion pa beneficio publi-
co, cual ta un tipo di entidad
corporativo cu mester yuda
sociedad ademas di genera
ganashi.

Conhuntamente cu Thrive
Capital, e sostenedoran di e
financiamiento manera Khosla
Ventures, Altimeter Capital,
Fidelity Management y Re-
search Company, MGX, Ark
Invest y Tiger Global Man-
agement.

Microsoft a bisa den un de-
claracion breve diaranson cu
e ta anticipa sigui su partner-
ship cu OpenAI. Nvidia, un
diseñador lider di e chipnan
necesario pa crea y podera
sistemanan di AI, a nenga
duna comentario. E cantidad
di cada inversion no a keda
revela.

Corte Supremo ta mantene dos regulacion ambiental di Biden

(AP) - Corte Supremo a
mantene dos regulacion
ambiental di e adminis-
tracion di Biden cu e meta
di reduci emision den in-
dustria di methaan cu ta
calenta e planeta y mercurio
toxico.

E husticieronan no a detaya e
motibo pa e ordo, cual a bini
despues di un gran cantidad
di aplicacion di emergencia
pa blokea e reglanan for di
gruponan di industria y esta-
donan Republicano.

E Corte Supremo te ainda ta
considerando desafionan na
un tercer regla di Environ-
mental Protection Agency

(EPA) cu e meta di tuma ac-
cion contra polucion cu ta
calenta planeta causa pa plan-
tanen di kima carbon.

E regulacionnan tambe ta
parti di un esfuerzo mas
amplio di e administracion
Biden cu e meta di combati
cambio di clima cu ta in-
clui incentivo financiero pa
cumpra vehiculonan electro
y actualisa e infraestructura,
y reglanan mas estricto pa e
standard di polucion pa ve-
hiculonan y trucknan.

E gruponan di industria y
estadonan a argumenta cu
EPA a abusa di su autoridad
y a stipula standard cu no ta

obtenibel cu e regulacionnan
nobo. EPA a bisa cu e regla-
nan ta completamente dentro
di su reponsabilidadnan legal
y lo proteha e publico.

Un vocero di EPA a bisa dia-
bierna cu e agencia ta con-
tento cu Corte Supremo a
nenga e aplicacionnan pa
keda den e reglanan final di
mercurio y methaan. EPA
ta kere cu haci e reglanan di
emision di methaan mas es-
tricto for di excavacion di gas
y azeta lo trece beneficienan
grandi na clima y salud di tur
Mericano, mientras cu e regla
pa loke ta trata mercurio lo
limita e polucion dañino for
di e plantanan cu ta opera pa
medio di kima carbon, voc-
ero Remington Belford a
declara.

E regla di methaan lo con-
strui riba tecnologianan in-
novativo y solucionnan cu
varios estado cu ta produci
gas y azeta y companianan
ya caba ta usando of a com-
promete pa usa, mientras cu
e reglanan di toxicidad den
aire y mercurio lo “garantisa
cu e plantanan den e nacion
lo cumpli cu e standardnan
actual pa loke ta trata e fac-
tornan di polucion den aire



dañino,” Belford a comenta.

Ambos regla ta fuertemente
basa riba EPA su autoridad
bao Clean Air Act, el a co-
menta.

Corte Supremo a yega di ne-
nga otro regulacionnan am-
biental den añanan recien,
incluyendo un decision cu a
limita EPA su autoridad pa
regula emision di CO2 for
di plantanan di energia den
2022 y otro cu a para e agen-
cia su lucha contra polucion
den aire yama e regla “good
neighbor.”

Gruponan di e industria y

estadonan cu ta mas con-
servativo a argumenta cu e
emisionnan ya caba tabata
suficientemente abao, y cu e
standardnan nobo por obliga
e ceramento di plantanan.

EPA a bisa cu e actualisa-
cionnan a kita necesario pa
proteha salud publico.

David Doniger, abogado na
Natural Resources Defense
Council, a yama e dos regla-
nan critico pa salvaguardia y a
aplaudi e ordo di corte di laga
nan na luga. Tambe el a mira
padilanti na e desafionan cu
te ainda no a ser atendi cu e
regla tocante planta di poder.



Polis a detene chauffeur burachi cu a core den direccion prohibi

Diasabra madruga a drenta informe di cu tin un auto cu a subi e e pilonnan riba Wilhelminastraat y keda pega, mesora a dirigi un patruya na e sitio.

Na yegada di e patruya a bin compronde cu aki ta trata di un chauffeur burachi cu a bini den direccion prohibi den Ooststraat, bira na man drechi pa drenta Wilhelminastraat, pero el a subi su auto riba e pilonnan y a keda pega



sin por bay dilanti ni patras.

Ora polis a test e e test a sali malo indicando cu e ta bura-

chi. Eynan mes polis a deten'e y a bay warda di polis cune.



Polis a detene chauffeur burachi cu a bay banda robes baha caminda


Diadomingo madruga a drenta informe di un accidente na Sabana Basora, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda un chauffeur burachi a bay banda robes baha caminda y a dal un palo di luz. Afortunadamente ningun hende a resulta herida.

Ora polis a bay test e chauffeur, esaki a surpasa e limite di alcohol permiti pa ley y p'esey a deten'e.



Chauffeur a bay banda robes di caminda, dal auto y bay cay den e greppel



Diadomingo madruga a drenta informe di un accidente cu hende herida banda di rotonde Sasaki, mesora a dirigi tanto polis como ambulance na e sitio.

sitio.

Na yegada di e patruya a bin compronde cu aki ta trata di un accidente unda cu e chauffeur di un Toyota Prado

saliendo for di e rotonde a bay banda robes di caminda dal un Hyundai Accent di direccion contrario den banda, sigui bay na man robes, bay cay den e greppel.

Debi na e impacto y caida den e greppel e chauffeur a resulta herida.

Na yegada di e ambulance nan a atende e chauffeur y a

transport'e pa hospital. Un dama den e Accent tambe tabata keha di dolor di nek y a ser atendi pa e personal di ambulance na e sitio mes.

Chauffeur a baha caminda bay dal riba un palo di luz dilanti W.E.B.

Diadomingo madruga a drenta informe di un accidente na Balashi, mesora a dirigi un patruya na e sitio.

Na yegada di e patruya a bin compronde cu aki ta trata di un chauffeur di un Kia Sportage, cual a baha camin-

da y a bay dal riba un palo di luz.

Afortunadamente ningun hende a resulta herida. Polis a test e chauffeur y e no a surpasa e limite di alcohol permiti pa ley.



Bisiñanan ta haya adulto mayor den mal condicion

Lo ta bon pa e Departamento di Asuntonan pa Adulto Mayor tin un registro y ta pasa regularmente principalmente esnan cu ta biba nan so y pasa controla nan regularmente, hasta si por tur dia.

Diabierna mainta bisiñanan cu tin algun dia si a mira nan bisiña a haya su falta y a bay

wak y a hay'e benta abao sin por reacciona verbalmente y no den bon condicion. Mesora nan a bati alarma y a avisa centro di alarma cu mesora a dirigi un ambulance na e sitio.

Na yegada di e ambulans nan a nota cu di berdad e situacion ta asina y a atende e victima y a transport'e pa hospital.



Chauffeur a bay dal riba cura di cas

Diabierna mainta a drenta informe di un accidente dilanti Yang na Savaneta, mesora a dirigi un tanto polis como ambulance na e sitio.

Na yegada di e patruya a bin compronde cu aki ta trata di un chauffeur coriendo cu velocidad, pa no dal tras di un auto, a desvia y a bay dal riba

un cura di cas. El a dal 2 baki mata dilanti e cura y finalmente a bay dal riba un pilar di e cura di e cas.

Debi na e fuerte impacto e chauffeur un persona di mas di 70 aña a resulta herida. Na yegada di e ambulance nan a atend'e y a transport'e pa hospital.

Polis a bay Citgo Sero Blanco pa un auto mas di un luna para eyan

Diabierna mainta a drenta informe di cu tin un auto ya pa mas di un luna staciona den e parkinglot di Citgo Sero Blanco, mesora dirigi un patruya na e sitio.

Na yegada di e patruya a bin compronde cu aki ta trata di e Hyundai Accent A15953, Polis a keda di bay na e adres unda e auto aki ta registra, pa asina e doño mes of otro hende laga hal'e for di eyan.



Problema entre pareha a resulta den hincamento



Diabierna anochi a drenta informe di un caso di hincamento na Edentraat, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un pelea entre pareha, unda e dama a hinc e homber cu cuchiu tras

di su lomba.

Eynan mesora a detene e dama y na yegada di e ambulance nan a atende e homber.



Minister Geoffrey Wever ta haci ‘Open Call’ pa subi produccion di webo comercial na Aruba

Minister Geoffrey Wever ta convoca tur esunnan interesa den produccion comercial di webo di galiña na Aruba pa hunto stimula e industria aki cu 100% pa 2026. Na prome instante, e yamada aki lo yuda Gobierno inventarisa na unda nos comerciantenan mester di apoyo y continua e colaboracion aki hunto cu Departamento di Asuntonan Economico, Comercio y Industria, Santa Rosa y tambe DIP.

E ‘open call’ aki ta e prome paso concreto den ehecucion di e maneho economico cu a keda aproba pa Consejo di Minister dia 16 di Augustus ultimo. Den 2023 un total di 738 mil webo di galiña a wordo produci pa comerciantenan local, cu ta representa 15% di e total consumo di webo na Aruba. Pues tin espacio pa sigui stimula e crecemento di e industria aki. “E meta ta pa redobla e cifranan di aña pasa y yega na 1.4 miyon di unidad pa aña 2026”, minister Geoffrey



Wever a splica.

Pa e mandatario di asuntonan economico, dialogo y colaboracion continuo ta necesario pa mas actividad economico, y tambe ta conta den e sector di webo di galiña. Adicionalmente, e estimulacion di produccion di webo local ta aporta na baha e importacion di e producto aki. Na su turno, esaki lo resulta den menos dependencia di mercado internacional y mas seguridad di cuminda pa nos comunidad. “E ta keda nos ambicion pa produccion lo-

cal di webo di galiña yega 100 porciento”, minister Geoffrey Wever a expresa.

Tur esunnan cu ta interesa den produccion comercial di webo di galiña na Aruba ta cordialmente invita pa haci uzo di e oportunidad aki y yena e Google Form via e siguiente link: Open call pa produccion di Webo (google.com). E link ta obtenibel via Minister Geoffrey Wever su pagina di Facebook of via Santa Rosa.

Ultimo dia pa yena e formu-



lario di Google ta dia 11 di October 2024. Basa riba tur aplicacion ricibi, e proyectonan cu mas potencial lo wordo invita pa un sesion informativo riba 21 di October

2024. Pa mas informacion riba e “Open Call” por manda un email na info.minezcd@gobierno.aw.

<div>Resultado Sorteo</div> <div>5 y 6 october 2024</div>				<div></div>					
Cadena Alexander Lottery ta presenta resultado di weganan di suerte									
<div><div>DIARIO</div><div>1640</div><div>5435</div><div>4293</div></div>				<div><div>KORSOU</div><div>8050</div><div>4842</div><div>6118</div></div>		<div><div>SUPER4</div><div>8652</div><div>SUPER5</div><div>-</div></div>		<div><div>FLAMINGO</div><div>0139</div><div>7403</div><div>6779</div></div>	
<div><div>DIADOMINGO</div><div>DIARIO</div><div>8445</div><div>0357</div><div>5357</div></div>				<div><div>KORSOU</div><div>2089</div><div>6542</div><div>8991</div></div>		<div><div>SUPER4</div><div>9064</div><div>SUPER5</div><div>80391</div></div>		<div><div>FLAMINGO</div><div>1391</div><div>3780</div><div>0018</div></div>	
<div><div>MERDIA</div><div><div></div><div>Sorteo # 4409</div><div>4490</div><div>9702</div><div>8126</div><div></div><div>X2</div><div></div><div>Sorteo # 4409</div><div>6633</div><div></div><div>X2</div><div></div><div>Sorteo # 2465</div><div>5065</div><div></div><div>Sorteo # 4409</div><div>5093</div><div>Scorpio</div><div></div><div>Sorteo # 1283</div><div>554</div><div></div><div>FP</div></div></div>		<div><div>ANOCHI</div><div><div></div><div>Sorteo # 8365</div><div>1833</div><div>7197</div><div>2895</div><div></div><div>X5</div><div></div><div>Sorteo # 7409</div><div>0514</div><div></div><div>FP</div><div></div><div>Sorteo # 2114</div><div>2313</div><div></div><div>Sorteo # 6168</div><div>6255</div><div>Tauro</div><div></div><div>Sorteo # 1098</div><div>721</div><div></div><div>FP</div></div></div>		<div><div></div><div>Sorteo # 2533</div><div>0 x Jackpot</div><div>0 x Match 4+</div><div>4 x Match 4</div><div>198 x Afl. 12,00</div><div>05-20-23-29-34</div><div>Joker 30 Letter J</div><div>Proximo Jackpot</div><div>170.000,-</div></div> <div><div></div><div>Sorteo # 6615</div><div>0 x Jackpot</div><div>8 x Match 4</div><div>85 x Afl. 8,00</div><div>16-17-20-27-28</div><div>Proximo Jackpot</div><div>51.000,-</div></div> <div><div></div><div>Sorteo # 1703</div><div>0 x Jackpot</div><div>0 x match 4</div><div>3 x Afl. 500,00</div><div>64 x Afl. 50,00</div><div>72 x Afl. 15,00</div><div>07-10-14-16</div><div>Mega Ball 14</div><div>Proximo Jackpot</div><div>330.000,-</div></div> <div><div></div><div>Afl. 430.000,-</div></div> <div><div></div><div>Sorteo #</div><div></div></div>		<div><div></div><div>Sorteo # 4410</div><div>7283</div><div>9222</div><div>3240</div><div></div><div>FP</div><div></div><div>Sorteo # 4410</div><div>8956</div><div></div><div>X2</div><div></div><div>Sorteo # 2466</div><div>4570</div><div></div><div>Sorteo # 4410</div><div>6856</div><div>Virgo</div><div></div><div>Sorteo # 1284</div><div>499</div><div></div><div>X3</div></div> <div><div><div>DIADOMINGO MERDIA</div><div><div></div><div>Sorteo #</div><div>0 x Jackpot</div><div>0 x Match 4+</div><div>0 x Match 4</div><div>0 x Afl. 12,00</div><div>Joker Letter</div><div>Proximo Jackpot</div><div>170.000,-</div></div><div><div></div><div>Sorteo # 6616</div><div>0 x Jackpot</div><div>5 x Match 4</div><div>109 x Afl. 8,00</div><div>04-07-11-16-18</div><div>Proximo Jackpot</div><div>51.000,-</div></div><div><div></div><div>Sorteo #</div><div>0 x Jackpot</div><div>0 x match 4</div><div>0 x Afl. 500,00</div><div>0 x Afl. 50,00</div><div>Mega Ball</div><div>Proximo Jackpot</div><div>330.000,-</div></div><div><div></div><div>Afl. 430.000,-</div></div><div><div></div><div>Sorteo #</div><div></div></div></div></div>			

Hoofdstemburea ta informa tocante colornan cu por usa pa e listanan di candidato

Segun articulo 30 inciso 2 di nos Ordenansa Electoral, Hoofdstembureau ta participa cu den decreto ministerial di dia 26 september 2024 a stipula cu si acaso usa colornan riba e papel di voto, e siguiente colornan lo por wordo usa como color pa e listanan di candidato si acaso esaki aparece riba e papel di voto pa eleccion cu lo tuma luga dia 6 december 2024.

E colornan ta: bruin, lichtblauw, donkerblauw, geel, groen, lichtgrijs, donkergrijs, oranje, lichtoranje, rood, roze, lichtroze, magenta, lichtpaars, donkerpaars, kaki, wit, olijfgroen.





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel: 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Eagle San Nicolas
Tel. 587 9011 Tel. 584 5712
EMERGENCIA 911

POLIS

Oranjestad 100
San Nicolas 104
Santa Cruz 105
Noord 107
Tip Line 11141
Brandweer 115
Ambulance 911
Hospital 527-4000
Imsan 524-8833
Warda Costa 913
Seguridad Nacional 11911
Cruz Cora 582-2219

BOTICA

Aloe 584-4606
4 Centro Medico 584-5794
Central 585-1965
Dakota 588-7364
Del Pueblo 582-1253
Eagle 587-9011
Kibrahacha 583-4908
Maria 585-8145
Di Servicio Noord 586-4606
Oduber 582-1780
Paradera 588-6638
San Lucas 584-5119
San Nicolas 584-5712
Santa Anna 586-8181
Santa Cruz 585-8028
Sero Preto 584-4833
Trupial 583-8560

UTILIDAD

Setar 117
Web 525-4600
Elmar 523-7147

FUNERARIA

Aurora 588-6699
Royal Funeral H. 586-4444
Ad Patres 584-2299
Olive Tree 584-8888

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Nibi, e castor 'Diva', lo keda na centro di rescate despues di decision di gobernador



(AP) - E pregunta tocante un castor di 2 aña yama 'Nibi' y si esaki lo por keda cu e rescatistanan cu e ta conoce desde cu e ta baby of si e lo mester keda laga den libertad a keda resolvi diahuebs ora cu e gobernador di Massachusetts a hinca man pa proteha Nibi.

E estado a entrega un permiso na Newhouse Wildlife Rescue pa Nibi keda na e facilidad di rehabilitacion y tin e funcion di un bestia educacional.

"Nibi a capta e curason di hopi di nos residentenan, di mi inclui," Gobernador di Massachusetts Maura Healey a bisa diahuebs. "Nos ta emociona pa comparti cu nos a entrega un permiso pa Nibi keda bao Newhouse su cuida, educando e publico tocante e especie importante aki."

Nibi su futuro a yega te na corte di estado prome cu Healey a tuma accion.

Un hues riba diamars a bisa cu Nibi ta permiti keda na su cas den e centro di rescate na Chelmsford. Un audiencia a

keda stipula pa diabierna den e caso entrega pa rescatistanan contra MassWildlife, e division di estado encarga cu e industria pa blokia su liberacion.

Nibi su rescatistanan na Newhouse Wildlife Rescue a bisa riba nan pagina di Facebook cu nan ta "mas cu gradici" pa Healey su decision. Nibi tabata un hit riba e grupo di rescate su rednan social desde cu e tabata un baby y e publicacionnan tocante su liberacion pendiente a genera miles di comentario.

Un peticion online pa salba Nibi y evita su liberacion a ricibi mas di 25,000 firma, anterioradnan e comenta y siman aki Healey a priminti cu Nibi lo ser protegi.

"Nos ta preocupa pa loke ta miho pa e castor conoci como Nibi y tur bestia salvahe den nos estado," Mark Tisa, director di MassWildlife, a bisa den un declaracion diahuebs. "Nos ta comparti e publico su pasion pa bida salvahe y ta invita tur hende pa siña mas tocante e castornan y nan lug a importante den nos ambiente."



Pronostico di tempo



Tempo

Temporalmente hopi nubia cu un awasero local.

Temperatura maximo 33 grado Celsius.

Temperatura minimo 27 grado Celsius.

Indice di calor (heat index) den y rond di oranan di merdia: 34 pa 40 grado Celsius.

UV index: 12.

Bahada di solo: 6:26 pm.
Subida di solo: 6:29 am.

Biento:

Zwak te modera for di direccion varia oost-noordoost y oost; forsa 1 te 3 (1 te 19 km/ora, 1 te 10 nudo).

Situacion general di tempo:

Debi na ainda diferenciacionan chikito di presion di aire den Caribe, biento lo ta zwak zwak te modera. Un masa di aire humedo y instabil den region local lo por induci algun awasero basta local durante e periodo di pronostico aki cu tambe chance pa lamper cu strena. Localmente awasero lo por ta fuerte y causa poco molester.

Condicion maritimo/ estado di lama:

Na partinan proteje di costa: keto, rond di 1 pia.

Na partinan zuid: trankil, 1 pa 2 pia.

Na partinan oost te noordwest di costa: modera cu olanan alrededor di 2 pa 3 pia den labaderanan for di noordoost.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lagrima y flornan por seca, su recuerdonan y tur loke el a haci y significa pa nos, lo keda graba pa semper den nos mente y curason.
"Cerca Dios mi alma ta na paz, ta di DJ'E mi salvacion ta bin"
Salmo 62:1

Cu dolor na nos curason, nos ta anuncia fayecimento di nos ser stima:

Emely T. Zeppenfeldt – Croes
Cariñosamente yama 'Tanta Lee'
*12-11-1948 - † 01-10-2024



Na number di su esposo: Richard Arvino Zeppenfeldt

Su yiu stima: Arvino (Zeppy) Zeppenfeldt y Sra Esmeralda Mejia

Mayornan: † Petra Croes -Dirksz y † Theodor Croes

Rumannan:
†Dora y Toy Bislip - Croes y Famia
Sita y † Louis Jarzagaray – Croes y Famia
Casilda y † Cadan Kelly – Croes y Famia
Lucia y Robby Wever – Croes
Maggy Croes y Junior Quant y Famia
Oslin y Sica Croes – Geerman y Famia
Dolfi y Ina Jansen y Yuinan
Pedro Tromp y Yvonne Quandus y Famia
Mayra Tromp
Sandra y Amar Kalloe – Tromp y Famia
Henri y Rabia Tromp

Manera Ruman:
Rita Vrolijk y Famia
Esmeralda y John Leung

Suegro y Suegra:
† Chepito y † Rinolfa Zeppenfeldt – Harms

Swa y Cuñanan:
Dennis y Greta Zeppenfeldt y Famia
Ana y Percy Lauffer Zeppenfeldt
Belinda Zeppenfeldt y Monica Ballesteros

Subrino y Subrinanan:
Sandra Vrolijk y Famia
† Luisito y Sandra Jarzagaray y Famia
Carin y Frank van der Linde y Famia
Lisette y Lyndon Katra y Famia
Julissa Jarzagaray y Famia
Charissa y Edgard Vrolijk y Famia
Antoinne y Irena Kelly y Famia
Francis y Jeisy Kelly - Zabala y Famia
Marco Croes y Famia na Hulanda
Osbert y Sully Croes y Famia
Osmar Croes y Famia
Evelyn y Frank Rasmijn y Famia
Ludwig Jansen y Famia
Gina Jansen
Jason y Rosellenne Albus
Elgin Zeppenfeldt y Famia
Carl Zeppenfeldt

Amigonan di cas:
Rita Thomas
Ryangel Thomas
Maria Eugenia Besselink

Su mascota nan Stima:
Angel, Kyra, Beauty, Reeza, Rubi, Malala

Demas Famianan:
Zeppenfeldt, Croes, Dirksz, Harms, Mejia, Bislip, Jarzagaray, Kelly, Wever, Quandt, Geerman, Jansen, Tromp, Lauffer, Ballestero, Vrolijk, van der Linde, Katra, Dirksen, Dubero, Ruiz, Albus, Quijada, Maduro, Rasmijn, Thomas, Kalloe, Quandus,

Prima y Primonan, Subrino- y Subrinanan, Ihanan, su Ex-Coleganan di Avon

Nos Disculpa si den nos tristeza nos por a lubida cualkier famia of conoctr. Nos ta lamenta cu despues di entiero nos no ta ricibi bishita di condolencia na cas.

Acto di condolencia ta tuma lugar na Aurora Funeral Home Dialuna 07 di Oktober 2024 di 7or pa 9or di anochi.

Acto di entiero lo tuma lugar na Aurora Funeral Home Diamars 08 di Oktober 2024 di 2or pa 4or di atardi, despues lo sali bai pa Santana Catolico na Santa Cruz.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Señor ta mi wardador, mi'n tin falta di nada.
Den cunucu di yerba berde e ta ponemi sosiega.
E ta hibami na awa trankil, pa mi bolbe haya forsa.

Conforme boluntad di Dios nos ta anuncia fayecimento di:



Alfonso Segundo Solognier
Cariñosamente jama: Fong
*01-06-1939 - †30-09-2024

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Dios ta amor... y amor ta Dios,
maske mi no ta na e mundo aki, tur dia lo mi ta banda di boso Curazon, mi por stens di loke Señor ta hasi"
Salmo 33

Ta participa fayecimento di:



Christina M. van den Berg-de Freitas
*13-03-1938 - †02-10-2024

Acto di despedida lo wordo anuncia despues

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699

Señor ta mi Wardador, mi n' tin falta di nada; Den cunucu di yerba berde E ta pone mi sosiega.
Salmo 23:1-2

Cu profundo tristesa nos ta anuncia fayesimento di



Franklin Michael Blom
09 november 1965 † 27 september 2024

Na number di:

Mayornan: † Carl Blom y † Julieta Blom-Croes
Yuunan: Jonathan Blom y Gilliane de Mey
Patrick Blom
Zeralda y Bryan Mora-Blom
Steven Blom

Nieto(a)nan: Nathan, Hayleigh, Morrighan, Raeven, Sophia, Robynn

Rumannan: Raymond y Inge Blom-Langedijk y Famia
Lilieta Blom y famia
Anushka Blom y Valery Stamper
Gene y Patricia Kelly y famia

Mama di su yiuinan y bon amiga Vilma Dijkhoff y Cyrill Vrolijk y famia

Ex Suegra I suegro I sua I cuñanan

Tante y omonan
Sobrino y Sobrinanan
Sobre Sobrino(a)nan
Primo(a)nan
Acto primo(a)nan
Su iha-nan
Bon amigo di cas Gino
Demas amigo y amiganan
Coleganan di trabao
Demas famianan: Blom, Croes, Mora, de Mey, Kelly, Maduro, Dijkhoff, Thode, Langedijk, Vrolijk, Feliciano, Franken

Princesa, Choco, Nala, Frida, Toby, Lupita

Ta invita pa e acto di entiero cu lo tuma lugar diaranson 9 di October 2024 na Royal Funeral Home di 2:00 pa 4:00 pm, despues lo sali pa Santana catolico na Paradera

Nos kier a pidi despensa si den nos tristesa nos por a lubida un famia of conoctr
No ta risibi bishita na cas



Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mi kier alaba Bo, Dios, mi Rey
Halsa bo Nomber semper bay.
Tur dia mi kier gradici Bo
Alaba Bo te den siglo di siglo.
Salmo 145

Cu dolor na nos curason pero agradecido pa tur locual e la
nifica pa nos,
nos ta anuncia fayecimento di



Sra. Viuda Maria Isidora Arendsz – De Cuba
Cariñosamente yama “Doya”
*04-11-1929 - †04-10-2024

Su esposo:
† Efraim Roberto Arendsz

Su yunan:
† Lidwina Arendsz
Francisco y Cecilia Arendsz – Vries
Swinda y Erick De Cuba – Arendsz
Vivian y Benny Faro – Arendsz

Su nietonan:
Cefrenne y Rayon Koolman – Arendsz
Romar y Karen Arendsz – Sulbaran
Jonathan De Cuba y Ramaishka Burleson
Kathleen Faro y Marcel Willems
Pauline Arendsz
Josephine De Cuba y Richel Boekhoudt

Su bisa nietonan:
Tristan y Sophie Lynn Koolman
Angelina y Emmanuel Arendsz
Ri-Sean y Rowan Boekhoudt
Jeanyl Sierra y Jayzion y Zilainy Solagnier

Su rumannan:
† Patricio y † Nicomeda De Cuba – De Kort
† Shon Te y Ada De Cuba - Bislip
† Fanny y Duchi Cicilia – De Cuba
Fea y † Buchi Bisslik – De Cuba
Maita y Jani Maduro – De Cuba
Diana y Ronny Luidens – De Cuba

Ayudantenan stima:
Yuleidis Carranza – Castro
Karen Carranza - Castro

Su subrino y subrinanan, primo y primanan, hijanan,

Demas famia:
Arendsz, De Cuba, Wever, Vries, Faro, Koolman, Sulbaran,
Burleson, Willems, Boekhoudt, De Kort, Cicilia, Luidens,
Maduro, Bisslik

Ta invita pa acto di despedida cual lo tuma lugar
na Pray Funeral Home dialuna, 7 october 2024, di 9’or pa
11’or di mainta,
despues lo sigui pa Santana San Hose na Savaneta

Nos disculpa si den nos tristeza nos por a lubida algun
number.

Nos ta lamenta cu despues di entiero nos no lo ricibi
bishita di condolencia na cas.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Dios ta nos refugio,
E ta nos fortaleza,
El a resulta un yudador
den mester.
Salmo 46:1

Cu dolor na nos
curason, nos ta participa
fayecimento di nos ser
stima:

Rino Wentwoord
*29 september 1973
– †2 oktober 2024



Na number di su:
Esposa: Rose-Marie Wentwoord-Kelly

Yunan:
Joël Wentwoord
Hannah Wentwoord

Mama: †Gisela Albertoe-Benita & Pedro Albertoe y famia
Tata: †Robert Athill

Ruman: Brenda Wentwoord y Shadinoska Coco

Suegro y suegra: Bartholomeo y Rosa Kelly

Subrinonan:
Tharen-Jaezell Wentwoord
Andrew, Anaïs y Alysa de Cuba

Tantanen:
Cyrilla Benita
Erna Benita
Dianne Benita
Anne-Mary Wentwoord
Ruthmila Moghrabi-Wentwoord

Cuñanan:
Magaly Kelly
Nathaly Kelly

Prima y primonan:
Wim Baars y rumannan
Erwin Benita y ruman
Erna Danen y ruman
Dudley Emelina y ruman
Nathaly Fransisco y rumannan
Michelangelo Bianchi y ruman

Ihanan: Alysa de Cuba y Sander Waterham

Bon amigonan: Samuel Dumfries, Martijn Stax, Brian James,
Egidion Hernando, David Prins, Luigi Faneyte, Evelina
Lacle-Figaroa, Gisela Arends-Jaramillo, Charlene Bryson.

Demas famia, amigo y bisñanan: Wentwoord, Benita,
Albertoe, Athill, Kelly, Figaroa, Baars, Danen, Emelina,
Fransisco, Bianchi, Coco, de Cuba, Besselink, Petronilia,
Essed, Alexander, Feliciano, Lau, Lisapaly-Boekhoudt.

Ex-coleganan di Colegio Arubano, seccion Desaroyo di
Curriculo di DEA y Avond HAVO.

Disculpa nos si den nos momentonan di tristesa nos por a
lubida un of otro familiar of amigo.

Ta invita pa acto di despedida cual lo tuma luga na Aurora
Funeral Home diamars 8 di oktober 2024 di 9or pa 11or di
mainta. Cremacion lo tuma luga despues den seno familiar.

Preferibel bini bisti na color nan alegre.

Nos ta lamenta cu despues condolencia y despedida no ta
ricibi bishita di condolencia na cas.

Lo tin box disponibel pa donacion pa Koningin Wilhelmina
Kankerfonds.

Aurora
Royal Pray
Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Nos ta anuncia fayecimento di:



Yan Mei Leung-Wu
*10-10-1942 †02-10-2024

Na number di su:
Esposu: Kwan Pang Leung
Yunan: Fung Ying Leung y esposa Angie
Leung-Zheng

Wing Kong Cha Anja Cha-Leung y esposo
Jeremy Ying Ying Leung

Tata: †Yu Sum Wu
Mama: Li Rong Feng
Rumannan: Hong Liao Wu y esposa
Xiaowen Feng

Xiaodan Feng Hong Tao Wu y esposa
Hong Zhen Wu y esposa

Jessie Fong

Sobrino(a)nan: Mimi Wu, Helen Wu, Sami Wu,
Hendrick Wu, Jamie Wu, Alvin Wu, Wesley Wu,
Ashley Wu

Primo(a)nan: Zhuocai Feng y Gaomei
Cen

Huang Zhuocun Feng y Xincan
Duna Feng y Junyi Fang
Zhuohui Feng y Yuchun

Lee Zhuotang Feng y
Zhongjuan Xie

Jinghe Feng y Liqing Zheng
Yanwei Feng y Xunsi Feng
Duling Feng y Ming Ng
Jin Ang Feng y Xue Ling

Wu Jin Bio Feng y Huanxiu

Huang Jin Mou Feng y Yanyi He

Demas famia: Famia Cha, Famia Zheng, Famia
Croes, Famia Feng, Famia Liang, Famia Wu, Famia
Leung, Famia Fong

Despensa nos si den nos tristeza nos por a lubida un
of otro persona

Ta invita pa e acto di entiero cu lo tuma lugar Diaranson
09 di Oktober 2024 di 2or pa 4or di atardi na Aurora
Funeral Home y despues lo Sali bai pa santana central
na Sabana Basora.

Militantenan ta mata 6 soldad Pakistani durante tiramento

(AP)—Militantenan a mata seis soldaat Pakistani durante un tiroteo, segun e ehercito a bisa ayera, marcando e inkietud mas recien den e provincia di Khyber Pakhtunkhwa riba frontera cu Afganistan, unda gruponan arma incluyendo e Taliban Pakistani ta activo.

E tropanan a muri durante un operacion den oranan di anochi den e distrito di North Waziristan diasabra, segun e declaracion di e ehercito. El a bisa cu seis di e militantenan tambe a ser asesina.

E ehercito a bisa cu a mata dos militante na Swat durante un operacion separa, cual tambe a tuma luga den Khyber Pakhtunkhwa. Un di nan supuestamente tabata involvi den un atake riba un convoy di embahadornan di afo den e area na comienso di luna.

Tambe diasabra, servicionan di telefon a keda suspendi na



Islamabad mientras e capital a drenta su segundo dia di lockdown diseña pa preveni of stroba manifestacionnan den apoyo di ex-lider Imran Khan. Actualmente e politico ta den prizon riba varios cargo.

Containernan a blokia e puntonan di entrada y salida di e ciudad, pero videonan for di e partido PTI di Khan a muestra apoyadornan drentando auto y purbando pa drenta Islamabad. E minister principal

di Khyber Pakhtunkhwa, Ali Amin Gandapur, y otronan den e convoy a traha henter anochi pa kita e containernan for di caminda, segun e partido a bisa.

PTI a bisa despues cu forsan an di seguridad a aresta Gandapur pa drenta Islamabad den un desafio di prohibicion riba manifestacion. Polis y oficialnan no a confirma aresto inmediatamente.

Conflicto a surgi entre apoy-



adornan di Khan y forsan an di seguridad na D-Chowk, cual ta cerca di varios edificio clave di gobierno, incluyendo parlamento y e Corte Supremo. PTI a bisa tambe cu e ta planea pa tene manifestacion na Lahore.

Banda di mancha e instabilidad politico surgiendo for di confrontacionnan cu e partido di Khan, autoridadnan Pakistani ta bringando pa contene violencia den e provincia suroeste di Balo-

chistan, unda un explosion a mata tres empleado di seguridad y a herida cuatro otro diasabra ultimo.

Oficial di polis Habib ur Rahman a bisa cu miembronan di e Frontier Corps tabata riba un patrulla rutinario den e distrito di Kalat, aproximadamente 160 kilometer sur di e capital provincial di Quetta, ora un bom a explota.

Te ainda no tin ningun declaracion di responsabilidad.

Nort Korea y China ta marca nan 75 aniversario di relacion diplomatico mientras otronan ta cuestiona esaki



(AP)—E lidernan di Nort Korea y China a marca e di 75 aniversario di nan relacion diplomatico ayera por medio di intercambio mensahenan cu a expresa speransa pa un relacion mas fuerte, mientras otronan a trece puntonan di preocupacion tocante nan relacion.

E intercambio di mensahe a bin mientras Nort Korea y Rusia a expande nan cooperacion mientras China aparentemente ta mantene su distancia. Expertonan ta bisa cu e nivel di intercambio y programanan conmemorativo entre Nort Korea y China den e proximo lunanan lo duna un pista di e status preciso di nan relacion.

Den un mensahe manda pa presidente Chines Xi Jinping, lider Norte Koreano Kim Jong Un a bisa cu su gobierno lo “traha pa consolida y desaroya e relacionnan amistoso y cooperativo” entre e dos pais, segun e agencia noticiero oficial di Nort Korea KNCA.

Xi, den su mensahe pa Kim, a bisa cu China ta cla pa promove conhuntamente “e avance stabiel di e causa socialista den e dos pais,” KCNA a bisa.

Desde cu Nort Korea y China a establece relacion diplomatico dia 6 di october 1949, nan relacion a ser describi frecuentemente como “mesun cerca cu lip y djente.”

China, e partner comercial mas grandi di Nort Korea y proveedor principal di ayudo, ta sospecha di ignora e ehecucion completo di sancionnan Mericano riba Nort Korea y ta mandando envio di ayudo clandestino pa asina yuda su bisiña y sigui sirbi como un proteccion contra influencia Mericano riba e Peninsula Koreano.

Pero hopi observador ta bisa cu China ta duda pa forma un aliansa trilateral anti-West cu Nort Korea y Rusia como

cu e ta prefera un ambiente di seguridad regional stabiel pa asina aborda varios reto economico y mantene relacion cu Europa y su bisiñanan Asiatico.

Nort Korea y Rusia a move mas cerca di otro entre sospecho di afo cu Nort Korea a duna Rusia armanan convencional pa su guerra den Ucrania den un intercambio pa asistencia militar y economico. Durante un reunion na Pyongyang na juni, Kim y presidente Ruso Vladimir

Putin a firma un pacto stipulando asistencia militar mutuo si un di nan pais cay bao atake, den loke tabata considera como e trato di defensa mas grandi entre e dos pais desde e Guerra Friu.

Nort Korea ta cera den confrontacionnan cu Merca, Sur Korea y nan partnernan debi na su programa nuclear. Kim a bisa cu el a ser forsa pa expande ambos capacidnan nuclear y convencional pa asina por aborda e menasanan di seguridad treci pa Merca.



Awasero y inundacionnan fuerte na parti di Bosnia a causa por lo menos 16 morto

(AP) — Un tormenta poderoso a dal Bosnia diabierna ultimo den oranan di marduga, cobrando bida di por lo menos 16 persona den inundacion y teranan cu a los den varios pueblo na centro y sur di e pais, unda cu awa subiendo a penetra varios cas ora cu nan ocupantenan tabata drumi.

Den sur di e pais, servicionan di rescate a raporta varios desaparecido y a pidi boluntarionan y ehercito pa ayudo debi na ceramento di camindanan y interrupcion di coriente.

Josip Kalem, un habitante di Fojnica, un di e pueblonan afecta pa e inundacionnan, a bisa cu e ladramento di cacho a lant'e banda di 4'or di mainta. Ora el a sali riba e terasa, el a mira e awa tabata subi lihe.

Darko Jukan, un vocero di gobierno local, a informa di por lo menos 14 morto den e ciudad sur di Jablanica. Despues autoridadnan a bisa cu a haya dos curpa mas.



“Esey ta esnan cu e rescatis-tanan a descubri,” el a bisa. “Ainda nos no sa kico e cantidad final di victima lo ta.”

“Mi no ta corda un crisis manera esaki desde e guerra,” Juka a bisa, referiendo na e conflicto na Bosnia di 1992 pa 1995, cu a laga e pais den ruina. “E escala di e situacion caotico aki ta kibra curason.”

Minister di Defensa Zukan

Helez a bisa na e emisora regional di television N1 cu soldadnan lo colabora den e operacion y cu mortonan a wordo reporta.

“Cada ora cu pasa nos ta ricibi noticia tocante victimanan nobo (...) Nos a manda tur hende cu nos por. Nos prioridad principal ta pa salba hende cu ta na bida y dera den kasnan den areanan cu tin deslave,” Helez a bisa.

Un muhe na estado a perde su baby despues cu a ser rescata for di e inundacion y hiba pa un hospital den e centro regional di Mostar. Autoridadnan a bisa cu dokternan tambe tabata bringa pa salba su bida. Den un otro incidente, un mucha a logra ser rescata y interna den hospital, segun autoridadnan local a bisa.

Rescatistanan den e ciudad-

nan di Jablanica y Kiseljak a bisa cu nan a perde coriente durante anochi y cu e telefonnan celular no tabatin cobertura.

Bombero di Jablanica a bisa cu e ciudad tabata completamente isola pa motibo cu tanto caminda como liñanan di trein a ser corta.

“Polis a informa nos cu e rilnan di trein tambe ta blokia,” e estadistanan a bisa den un declaracion. “Na e momento aki, bo no por drenta ni sali di Jablanica. E telefonnan fiho ta funciona, pero e telefonnan celular no tin señal.”

Imagennan saca pa drone y transmiti pa medionan di comunicacion di Bosnia a muestra pueblonan y ciudadnan completamente sumergi bou awa, mientras cu videonan publica riba rednan social a muestra escenanan dramatico cu camindanan di lodo y careteranan daña.

Miles di persona a marcha ayera pa aniversario di atake di Hamas na Israel

(AP) – Multitudnan a participa den protesta, sea pro-Palestino of pro-Israel, na eventonan conmemorativo rond mundo ayera diadomingo den bispo di e prome aniversario di e atakenan di Hamas riba Israel, cu a lanta e guerra actual na Gaza.

Diasabra tabatin manifestacion den varios ciudad Europeo, entre otro Londres, Berlin, Paris y Roma. Otro eventonan ta programa durante henter siman, cu un maximo asistencia spera pa awe dialuna 07 di october, e fecha di aniversario.

Na Berlin, cerca di e Porta di Brandenburg, centenares di manifestante pro-Israel escolta pa polis a marcha tras di un borchu cu tabata bisa “Contra tur anti-semitismo.”

Cu hopi bandera di Israel cu tabata bula riba nan cabes, algun lider hudiu a canta un cantica tocante “shalom” (pas), mientras cu e manifestantenan a grita “Libera Gaza for di Hamas!” y “Trece nan na cas,” referiendo na e rehennan di Israel.



Miles di persona a reuni na Paris pa un evento conmemorativo Hudiu cu oradornan y artistanan rindiendo homenahe na esnan cu a muri den e atake di dia 7 di october y apoyando esnan cu ainda ta secuestra.

Ayelet Samerano, mama di Jonathan Samerano, kende a muri despues cu el a ser tira y secuestra dia 7 di october na e festival di Supernova, a bisa “nos ta un pueblo uni. Hunto nos ta fuerte... Ningun enemigo lo baha nos. Cu e union y forsa aki, nos lo trece nos sernan keri na cas.”

Na Londres, miles di hende a

reuni den Hyde Park. E multitud a grita “Trece nan cas” y a zwaai bandera y borchu di Israel cu e cara di e rehennan cu ainda ta den man di Hamas.

Mientras tanto, hendenan a subi caya for di Pakistan te na Maroco den manifestacionnan masivo pro-Palestino. Na Rabat, e capital di Maroco, miles a marcha dilanti di Parlamento y a pidi gobierno pa revoca su acuerdo di 2020 cu a formalisa e lasonan di e pais cu Israel.

Abdelilah Miftah di Casablanca a bisa cu Palestinonan



y Libanesnan awor ta enfrente “arrogancia Israeli.” E protesta na Rabat tabata un di esnan mas grandi den lunanan. E gobierno di Maroco a papia contra e guerra na Gaza, pero ta mantene lasonan cu Israel.

Den e ciudad sur di Pakistan, Karachi, e partido politico religioso mas grandi di e pais, Jamaat-e-Islami, a organisa un manifestacion enorme pro-Palestino.

Na Australia, miles di hende a marcha den apoyo di e Palestinonan y Libanon den varios ciudad, y tambe tabatin un manifestacion pro-Israel

na Melbourne.

Forsanan di seguridad a hisa e nivel di alerta den ciudadnan grandi memey di preocupacionnan cu e conflicto creciente den Medio Oriente por inspira atakenan terorista nobo na Europa of cu algun di e protestanan por bira violento.

Ayera diadomingo, prome minister Italiano Giorgia Meloni a expresa su “solidaridad total” cu polis, un dia despues cu forsanan di seguridad a usa gas lagrimogeno y trucknan di awa pa separa manifestantenan violento na Roma.